

遼

史

二

蘇軾詩集

本紀第四

梁史四

開府儀同三司上柱國錄軍國事忠肅公相監修國史領經筵事都總裁臣脫脫奉

勅修

太宗下

會同元年春正月戊申朔晉及諸國遣使來賀翌日使且言  
已命和凝撰聖德神功碑戊辰遣人使晉二月壬午室韋  
進白鹿戊子鐵驪來貢丁酉獵松山戊戌幸遼河東丙申  
上思人皇王遣惕隱率宗室以下祭其行宮丁未詔增晉  
使所經共億戶三月壬戌將東幸三刻言農務方興請減  
輜重促還期從之丙寅女直來貢癸酉東幸夏四月戊寅

朔如南京甲申女直來貢乙酉華溫泉己丑還宮朝于皇  
太后丁酉女直貢弓矢己亥西南邊大詳穩耶律魯不古  
奏党項捷五月甲寅晉復遣使請上尊號從之六月丙子  
朔吐谷渾及女直來貢辛卯南唐來貢癸巳詔建日月四  
時堂圖爲皇帝王事于兩廡秋七月癸亥遣使賜晉馬丁  
卯遣鵬离底使晉梅里了古使南唐戊辰遣中臺省右相  
耶律述蘭送烈哥使晉臨海軍節度使趙思溫副之冊晉  
帝爲英武明義皇帝八月戊子女直來貢庚子吐谷渾烏  
孫靺鞨皆來貢九月庚戌黑車子室韋貢名馬邊臣奏晉  
遣守司空馮道左散騎常侍韋勳來上皇太后尊號左僕

射劉煦右諫議大夫盧重上皇帝尊號遂遣監軍寅你已  
充接伴壬子詔群臣及高年凡授大臣爵秩皆賜錦袍金  
帶白馬金飾鞍勒著子令冬十月甲戌朔遣郎君迪里姑  
等撫問晉使壬寅晉遣使來謝冊禮是日復有使進獨峯  
駝及名馬十一月甲辰朔命南北宰相及夷離堇就館賜  
晉使馮道以下宴丙午上御開皇殿召見晉使壬子皇太  
后御開皇殿馮道韋勳冊上尊號曰廣德至仁昭烈崇簡  
應天皇太后甲子行再生柴冊禮丙寅皇帝御宣政殿劉  
煦盧重冊上尊號曰睿文神武法天啓運明德章信至道  
廣敬昭孝嗣聖皇帝大赦改元會同是月晉復遣趙瑩奉

表來賀以幽薊瀛莫涿檀順嬀儒新武雲應朔襄蔚十六  
州并圖籍來獻於是詔以皇都爲上京府曰臨潢升幽州  
爲南京南京爲東京改新州爲奉聖州武州爲歸化州升  
北南二院及乙室夷离堇爲王以主簿爲令令爲刺史刺  
史爲節度使二部梯里已爲司徒達刺干爲副使麻都不  
爲縣令縣達刺干爲馬步軍宣徽閣門使控鶴客省御史  
大夫中丞侍御判官文班牙署諸官院世燭馬群遙輦世  
燭南北府國舅帳郎君官爲敝史諸部宰相節度使帳爲  
司空二室韋闡林爲僕射鷹坊監冶等局官長爲詳穩十  
二月戊戌遣同括阿鉢等使晉制加晉馮道守太傅劉煦

守太保餘官各有差

二年春正月乙巳以受晉冊遣使報南唐高麗丁未御開  
皇殿宴晉使馮道以下賜物有差戊申晉遣金吾衛大將  
軍馬從斌考功郎中劉知新來貢珍幣命分賜群臣丙辰  
晉遣使謝免沁遼四州錢幣二月戊寅宴諸王及節度使  
來賀受冊禮者仍命皇太子惕隱迪輦餞之癸巳謁太祖  
廟賜在京吏民物及內外群臣官賞有差丁酉加燕侍中  
左金吾衛上將軍王鄧檢校太尉三月畋于裏澤之側戊  
申女直來貢丁巳封皇子述律爲壽安王罽撒葛爲太平  
王己巳大賚百姓夏四月乙亥幸木葉山癸巳東京路奏

狼食人五月乙巳禁南京鬻牝羊出境思奴古多里等坐盜官物籍其家南唐遣使來貢丁未以所貢物賜群臣戊申回鶻單于使人乞授官詔第加刺史縣令六月丁丑雨雪是夏駐蹕頻蹕淀秋七月戊申晉遣使進犀帶庚戌吐谷渾來貢乙卯敝史阿鉢坐奉使失職命笞之閏月癸未乙室大王坐賦調不均以木劍背撻而釋之并罷南北府民上供及宰相節度諸賦役非舊制者乙酉遣的烈賜晉烏古良馬己丑以南王府二刺史貪蠹各杖一百仍繫虞候帳備射鬼箭選群臣爲民所愛者代之八月乙丑晉遣使貢歲幣奏輸成亥二歲金幣于燕京九月甲戌阻卜阿

高底來貢己卯遣使使晉冬十月丁未上以烏古部水草  
肥美詔北南院徙三石烈戶居之十一月丁亥鐵驪嫩煌  
並遣使來貢十二月庚子鉤魚于土河甲子回鶻使者兼  
人有以刃相擊者詔付其使處之

三年春正月戊子吳越王遣使來貢庚寅人皇王妃來朝  
回鶻使乞觀諸國使朝見禮從之壬辰遣陪謁阿鉢使晉  
致生辰禮晉以并鎮忻代之吐谷渾來歸二月己亥奚王  
勞骨寧率六節度使朝貢庚子烏古遣使獻伏鹿國俘賜  
其部夷离堇旗鼓以旌其功壬寅女直來貢辛亥墨離鶻  
末里使回鶻阿薩蘭還賜對衣勞之乙卯鴨渌江女直遣



使來覲三月戊辰遣使使晉報幸南京己巳如南京辛未  
命惕隱耶律涅离骨德率萬騎先驅壬申次石嶺以奚王  
勞骨寧監軍寅你巳朝謁不時切責之丙子魯不姑上党  
項俘獲數癸未獵水門獲白鹿庚寅詔扈從擾民者從軍  
律甲午幸薊州乙未晉及南唐各遣使來覲夏四月庚子  
至燕備法駕入自拱辰門御元和殿行入閣禮壬寅遣人  
使晉乙巳幸留守趙延壽別墅丙午晉遣宣徽使楊端王  
眺等來問起居壬子御便殿宴晉及諸國使丙辰晉遣使  
進茶藥壬戌御昭慶殿宴南京群臣癸亥晉遣使賀端午  
以所進節物賜群臣乙丑南唐進白龜五月庚午以端午

宴群臣及諸國使命回鵬燉煌二使作本俗舞俾諸使觀之庚辰晉遣使進弓矢甲申遣皇子夫德及檢校司徒即用和使晉戊子閱騎兵于南郊六月乙未朔東京宰相耶律羽之言渤海相大素賢不法詔僚佐部民舉有才德者代之丙申閔叅卒于南郊庚子晉及轄刺骨只遣使來見壬寅駕發燕京命中書令蕭僧隱部諸道軍于長坐營癸丑次奉聖州甲寅勞軍士秋七月己巳獵猾底烈山癸酉朝于皇太后丙子從皇太后視人皇王妃疾戊寅人皇王妃蕭氏薨己卯以安重榮據鎮州叛晉詔征南將軍柳嚴邊備丙戌徙人皇王行宮于其妃薨所辛卯晉遣使請行

南郊禮許之八月己亥詔東丹史民爲其王倍妃蕭氏服  
庚子阻卜來貢壬寅遣使南唐乙巳阻卜黑車子室韋貨  
烈等國來貢南唐遣使求青纁帳賜之戊申以安端私城  
爲白川州辛亥鼻骨德使乞賜爵以其國相授之甲寅阻  
卜來貢乙卯置白川州官屬丙辰詔以于詣里河臚胸河  
之近地給賜南院歐董突呂乙斯勃北院溫納何刺三石  
烈人爲農田九月庚午侍中崔窮古言晉主聞陛下數游  
獵意請節之上曰朕之畋獵非徒從樂所以練習武事也  
乃詔諭之壬午邊將奏破吐谷渾擒其長詔止誅其首惡  
及其丁壯餘並釋之丙戌晉遣使貢名馬戊子女直及異

越王遣使來貢冬十月辛丑遣剌朗使吳越略姑使南唐  
庚申晉遣使貢布及請親祠南嶽後之十一月己巳南唐  
遣使奉蠟丸書言晉密事丁丑詔有司教民播種紡績除  
婦亡妹績之法十一月壬辰朔率百僚謁太祖行宮甲午  
燔柴禮畢祠于神帳丙申遣使使晉丙辰詔契丹人授漢  
官者從漢儀聽與漢人婚姻丁巳詔燕京皇城西南堞建  
涼殿是冬駐蹕于傘淀

四年春正月壬戌以乙室品卑突軌三部鰥寡不能自存  
者官爲之配丙子南唐遣使來貢庚辰涅刺烏隗部獻党  
項俘獲數已丑詔定征党項功二月丙申皇太子獲白鷹

甲辰晉遣使進香藥兩子鐵驪來貢丁巳詔有司編始祖  
奇首可汗事迹己未晉遣楊彥詢來貢且言鎮州安重榮  
跋扈狀遂留不遣是月晉鎮州安重榮執遼使者拽刺三  
月特授回鶻使闊里于越并賜旌旗弓劍衣馬餘賜有差  
癸酉晉以許祀南郊遣使來謝進黃金千鎰夏四月己卯  
晉遣使進櫻桃五月庚辰吐谷渾夷蕞蘇等叛入晉遣  
牒蠟往諭晉及太原守臣六月辛卯振武軍節度副使趙  
崇逐其節度使耶律畫重以朔州叛附晉丙午命宣徽使  
張古只赴朔州以兵圍其城有晉使至請開壁即勿聽驛  
送關下秋七月癸亥南唐遣使奉蠟丸書丙寅張古只奏

請遣使至朔令降守者猶堅壁弗納且言晉有貢物命即以所貢物賜攻城將校己巳有司奏神農車有蜂巢成蜜史占之吉壬申晉遣使進水晶硯八月癸巳南唐奉蠟九書庚子晉遣使進犀弓竹矢吳越王遣使奉蠟九書九月壬申有星孛于晉分丁丑辛歸化州冬十月辛丑有司奉燕薊大熟癸卯吳越王遣使來貢十一月丙寅晉以討安重榮來告庚午吐谷渾請降遣使撫諭阻卜來貢以其物賜左右丙子鴨綠江女直來貢壬午以求寧天授二節及正旦重午冬至臘並受賀著令十二月戊子晉遣使來告山南節度使安從進反詔以使宜討之庚寅南唐遣使奉

蠟丸書戊戌晉遣王升鸞來貢戊申晉以敗安重榮來告  
遂遣楊彥詢歸辛亥晉遣使乞罷戍兵詔惕隱朔古班師  
甲寅攻拔朔州遣控鶴指揮使詣里勞軍時裏古只戰歿  
城下上怒命誅城中丁壯仍以叛民上戶三十爲裏古只  
部曲

五年春正月丙辰朔上在歸化州御行殿受群臣朝以諸  
道貢物進太后及賜宗室百僚戊午詔求直言比王府郎  
君耶律海思應詔召對稱旨特授宣徽使詔政事令僧隱  
等以契丹戶分屯南邊戊辰晉幽安重榮首來獻上數欲  
親討重榮至是乃止癸酉遣使使晉是月晉以朔州平請

使來賀遂遣客省使耶律化哥使晉并致生辰禮二月壬  
辰上將南幸以諸路有未平者召太子及群臣議皆曰今  
襄鎮朔三州雖已平然吐谷渾爲安重榮所誘猶未歸命  
宜發兵討之以警諸部上曰王與朕合遂詔以明王隈思  
代于越信恩爲西南路招討使以討之且諭明王宜先練  
習邊事而後之官甲午如南京遣使使晉索吐谷渾叛者  
乙未鼻骨德來貢三月乙卯朔晉遣齊州防禦使宋暉業  
翰林茶酒使張言來問起居閏月駐蹕陽門夏四月甲寅  
朔鐵驪來貢以其物分賜群臣丙子晉遣使進射柳鞍馬  
五月五日戊午禁屠宰六月癸丑朔晉齊王重貴遣使來



貢丁巳徒觀古素撤來貢乙丑晉主敬瑭殂子重貴立戊辰晉遣使告哀輟朝七日庚午遣使往晉弔祭丁丑聞皇太后不豫上馳入侍湯藥必親嘗仍告太祖廟幸菩薩堂飯僧五萬人七月乃愈秋七月庚寅晉遣金吾衛大將軍梁言判四方館事朱崇節來謝書稱孫不稱臣遣客省使喬榮讓之景延廣荅曰先帝則聖朝所立今主則我國自冊爲鄰爲孫則可奉表稱臣則不可榮還其奏之上始有南伐之意辛卯阻卜鼻骨德烏古來貢將軍闥德里蒲骨等率降將轄德至闕并獻所獲丁未晉遣使以祖母哀來告八月辛酉女直阻卜烏古各貢方物甲子晉復襄州戊

辰詔河東節度使劉知遠送叛臣烏古指揮使由燕京赴  
關塞西遣天城軍節度使蕭拜石弔祭于晉九月壬辰遣  
使賀晉帝嗣位冬十月己巳徵諸道兵遣將軍密骨德伐  
党項十一月乙未武定軍奏松生曩十二月癸亥晉遣使  
來謝是冬駐蹕赤城

六年春二月乙卯晉遣使進先帝遺物辛酉晉遣使請居  
汴從之三月己卯朔吳越王遣使來貢甲申梅里喘引來  
歸戊子南唐遣使奉蠟九書丁未晉至汴遣使來謝夏四  
月戊申朔日有食之五月己亥遣使如晉致生辰禮六月  
丁未朔鐵驪來貢己未奚鋤骨里部進白麝辛酉莫州進

通鑑綱目  
白鵲晉遣使貢金秋八月丁未朔晉復貢金己未如奉聖  
州晉遣其子延煦來朝冬十一月辛卯上京留守耶律迪  
輦得晉謀知有二心甲辰鐵驪來貢十二月丁未如南京  
議伐晉命趙延壽趙延昭安端解里等由滄恒易定分道  
而進大軍繼之是歲楊彥昭請移鎮柰灤及新鎮從之

七年春正月甲戌朔趙延壽延昭率前鋒五萬騎次任丘  
丙子安端入鴈門圍忻代己卯趙延壽圍貝州其軍校邵  
珂開南門納遼兵太守吳巒投井死己丑次元城授延壽  
魏博等州節度使封魏王率所部屯南樂丙申遣兵攻黎  
陽晉張彥澤來瑱辛丑晉遣使來修舊好詔割河北諸州

及遣桑維翰景延廣來議二月甲辰攻博州刺史周儒以  
城降晉平盧軍節度使楊光遠密道遼師自馬家口濟河  
晉將景延廣命石斌守麻家口白再榮守馬家口未幾周  
儒引遼軍麻荅營于河東攻鄆州北津以應光遠晉遣李  
守貞皇甫遇梁漢璋薛懷讓將兵萬人緣河水陸俱進遼  
軍圍晉別將于戚城晉主自將救之遼師解去守貞等至  
馬家口麻荅遣步卒萬人築營壘騎兵萬人守於外餘兵  
屯河西渡未已晉兵薄之遼軍不利三月癸酉朔趙延壽  
言晉諸軍汾河置柵皆畏怯不敢戰若率大兵直抵澶洲  
據其橋梁晉必可取是日晉兵駐澶淵其前軍高行周在

戚城乃命延壽延昭以數萬騎出行周右上以精兵出其左戰至暮上復以勁騎突其中軍晉軍不能戰會有謀者言晉軍東面數少沁河城柵不固乃急擊其東偏衆皆奔潰繼兵追及遂大敗之壬午留趙延昭守貝州徙所俘戶于內地夏四月癸丑還次南京辛未如涼陘五月癸酉耶律拔里得奏破德州擒刺史尹居璠及將吏二十七人六月甲辰黑車子室韋來貢乙巳經沒里要里等國來貢秋七月己卯晉楊光遠遣人奉蠟丸書辛卯晉遣張暉奉表乞和留暉不遣八月辛酉回鶻遣使請婚不許是月晉鎮州兵來襲飛狐大同軍節度使耶律孔阿戰敗之九月庚

年朔北幸十月丁未鼻骨德來貢壬戌天授節諸國進賀  
惟晉不至十一月壬申詔徵諸道兵以閏月朔會溫榆河  
北十二月癸卯南伐甲子次古北口閏月己巳朔閱諸道  
兵於溫榆河己卯圍恒州下其九縣

八年春正月庚子分兵攻邢洛磁三州殺掠殆盡入鄴都  
境張從恩馬全節安審琦兵悉陳于相州安陽水之南皇  
甫遇與濮州刺史慕容彥超將兵千騎來覘遼軍至鄴都  
遇遼軍數萬且戰且却至榆林店遼軍繼至遇與彥超力  
戰百餘合遇馬斃出戰審琦引騎兵踰水以救遼軍乃還  
二月圍魏晉將杜重威率兵來救戊子晉將折從阮陷勝

州三月戊戌師拔祁州殺其刺史沈斌庚戌杜重威李守貞攻泰州戊子趙延壽率前鋒薄秦城己未重威守貞引兵南遁追至陽城大敗之復以步卒爲方陣來拒與戰二十餘合壬戌復搏戰十餘里癸亥圍晉兵于白團衛村晉兵下鹿角爲營是夕大風至曙命鐵鷁軍下馬拔其鹿角奮短兵入擊順風縱火揚塵以助其勢晉軍大呼曰都招討何不用兵令士卒徒死諸將皆奮出戰張彥澤藥元福皇甫遇出兵大戰諸將繼至遼軍却數百步風益甚晝晦如夜符彥卿以萬騎橫擊遼軍率步卒並進遼軍不利上乘安車退十餘里晉追兵急獲一橐駝乘之乃歸晉兵退

保定州夏四月甲申還次南京杖戰不力者各數百庚寅  
宴將士於元和殿癸巳如涼陁六月戊辰回鶻來貢辛未  
吐谷渾鼻骨德皆來貢辛巳黑車子室韋來貢丁亥趙延  
壽奏晉兵襲高陽戍將擊走之秋七月乙卯獵平地松林  
晉遣孟守中奉表請和仍以前事荅之八月己巳詔侍衛  
蕭素撒閱群牧子北陁九月壬寅次赤山宴從臣問軍國  
要務對曰軍國之務愛民爲本民富則兵足兵足則國強  
上以爲然辛酉還上京冬十月辛未祠木葉山十一月戊  
戌女直鐵驪來貢十二月癸亥朔朝謁太祖行宮乙丑雲  
州節度使耶律孔阿獲晉謀者戊辰臘賜諸國貢使衣馬



九年春正月庚子回鶻來貢丁未女直來貢二月戊辰鼻  
骨德奏軍籍三月己亥吐谷渾遣軍校恤烈獻生口千戶  
授恤烈檢校司空夏四月辛酉朔吐谷渾白可久來附是  
月如涼陁五月庚戌晉易州戍將孫方簡請內附六月戊  
子謁祖陵更闕神殿爲長思秋七月辛亥詔徵諸道兵敢  
傷禾稼者以軍法論癸丑女直來貢乙卯以阻卜酋長曷  
刺爲本部夷離董八月丙寅烏古來貢是月自將南伐九  
月壬辰閱諸道兵于漁陽西東林淀是月趙延壽與張  
彥澤戰于定州敗之十一月戊子朔進圍鎮州丙申先遣  
候騎報晉兵至遣精兵斷河橋晉兵退保武強南院大王

迪輦將軍高模翰分兵由瀛州間道以進杜重威遣貝州  
節度使梁漢璋率衆來拒與戰大敗之殺梁漢璋杜重威  
張彥澤引兵據中渡橋趙延壽以步卒前擊高彥溫以騎  
兵乘之追奔逐北殪屍數萬斬其將王清宋彥筠墮水死  
重威等退保中渡寨義武軍節度使李殷以城降遂進兵  
夾滹沱而營去中渡寨三里分兵圍之夜則列騎環守晝  
則出兵抄掠復命大內惕隱耶律朔骨里及趙延壽分兵  
圍守自將騎卒夜渡河出其後攻下欒城降騎卒數千分  
遣將士據其要害下令軍中預備軍食三日不得舉煙火  
但獲晉人即黥而縱之諸饋運見者皆棄而走於是晉兵

內外隔絕食盡窮十二月丙寅杜重威李守貞張勳等率所部二十萬衆來降上擁數萬騎臨大阜立馬以愛之授重威守太傅鄴都留守守貞天平軍節度使餘各領舊職分降卒之半付重威半以隸趙延壽命御史大夫解里監軍傅桂兒張彥澤持詔入汴諭晉帝母李氏以安其意且召衆維翰景延廣先來留騎兵千人守魏自率大軍而南壬申解里等至汴晉帝重貴素服拜命與母李氏奉表請罪初重貴絕和好維翰數諫止之不從至是彥澤殺維翰給言自經死詔收葬之復其田園第宅仍厚恤其家甲戌彥澤遷重貴及其母若妻於開封府署以控鶴指揮

使李榮督兵衛之壬午次赤岡重貴舉族出封丘門橐索  
牽羊以待上不忍臨視命改館封禪寺晉百官縞衣紗帽  
俯伏待罪上曰其主負恩其臣何罪命領職如故即授安  
叔千金吾衛上將軍叔千出班獨立上曰汝邢州之請朕  
所不忘乃加鎮國軍節度使蓋在邢嘗密請內附也將軍  
康祥執景延廣來獻詔以牙籌數其罪凡八執繫送都道自  
殺

大同元年春正月丁亥朔備法駕入汴御崇元殿受百官  
賀戊子以樞密副使劉敏權知開封府殺秦繼晏李彥紳  
及鄭州防禦使楊承勲以其弟承信爲平盧軍節度使襲

父爵初楊光遠在青州求內附其子承勲不聽殺其判官  
丘濤及弟承祚等自歸于晉故誅之己丑以張彥澤擅徙  
重貴開封殺桑維翰縱兵大掠不道斬於市晉人鬻食之  
辛卯降重貴爲崇祿大夫檢校太尉封負義侯癸巳以張  
礪爲平章事晉李崧爲樞密使馮道爲太傅和凝爲翰林  
學士趙瑩爲太子太保劉煦守太保馮玉爲太子少保癸  
卯遣趙瑩馮玉李彥韜將三百騎送負義侯及其母李氏  
妃 氏妻馮氏弟重睿子延煦延寶等于黃龍府安置  
仍以其宮女五十人內宦三人東西班五十人醫官一人  
控鶴四人庖丁七人茶酒司三人儀鸞三人健卒十人從

之二月丁巳朔建國號大遼大赦改元大同升鎮州爲中  
京以趙延壽爲大丞相兼政事令樞密使中京留守中外  
官僚將士爵賞有差辛未河東節度使北平王劉知遠自  
立爲帝國號漢詔以耿崇美爲昭義軍節度使高唐英爲  
昭德軍節度使崔廷勲爲河陽軍節度使分據要地三月  
丙戌朔以蕭翰爲宣武軍節度使賜將吏爵賞有差壬寅  
晉諸司僚吏嬪御宦寺方技百工圖籍曆象石經銅人明  
堂刻漏太常樂譜諸宮縣鹵簿法物及鎧仗悉送上京磁  
州帥梁暉以相州降漢已酉命高唐英討之夏四月丙辰  
朔發自汴州以馮道李崧和凝李瀚徐台符張礪等從行

次赤岡夜有聲如雷起於御幄大星復墮於旗鼓前乙丑  
濟黎陽渡顧謂侍臣曰朕此行有三失縱兵掠芻粟一也  
括民私財二也不遽遣諸節度還鎮三也皇太弟遣使問  
軍前事上報曰初以兵二十萬降杜重威張彥澤下鎮州  
及入汴視其官屬具負者省之當其才者任之司屬雖存  
官吏廢墮猶雛飛之後徒有空巢久經離亂一至於此所  
在盜賊屯結土功不息餽餉非時民不堪命河東尚未歸  
命西路酋帥亦相黨附夙夜以思制之之術惟推心庶僚  
和協軍情撫綏百姓三者而已今所歸順凡七十六處得  
戶一百九萬百一十八非汴州炎熱水土難居止得一年

太平可指掌而致且改鎮州爲中京以備巡幸欲伐河東  
姑俟別圖其槩如此戊辰次高邑不豫丁丑崩于樂城年  
四十六是歲九月壬子朔葬于鳳山陵曰懷陵廟號太宗  
統和二十六年七月上尊謚孝武皇帝重熙三十一年九  
月增謚孝武惠文皇帝

贊曰太宗甫定多方遠近向化建國號備典章至於釐庶  
政闕名實錄囚徒教耕織配鰥寡求直言之士得郎君海  
思即擢宣徽嘉唐張敬達忠於其君卒以禮葬輟遊豫而  
納三剋之請憫士卒而下休養之今親征晉國重貴面縛  
斯可謂威德兼弘英略間見者矣入汴之後無幾微之驕



通紀四  
有三失之訓傳稱鄭伯之善處勝書進秦誓之能悔過  
宗蓋兼有之其卓矣乎

本紀第四

本紀第五

開府儀同三司上柱國錄軍國重事守書省右相監修國史領經筵事都總裁臣脫脫奉  
勅修

世宗一

世宗孝和莊憲皇帝諱阮小字兀欲讓國皇帝長子母柔  
貞皇后蕭氏帝儀觀豐偉內寬外嚴善騎射樂施予人望  
歸之太宗愛之如子會同九年從伐晉大同元年二月封  
永康王四月丁丑太宗崩於纈城戊寅梓宮次鎮陽即皇  
帝位於柩前甲申次定州命天德朔古解里等護梓宮先  
赴上京太后聞帝即位遣太弟李胡率兵拒之六月甲寅

朔次南京五院夷酋董安端詳穩劉哥遣人馳報請爲前鋒至泰德泉遇李胡軍戰敗之上遣郎君勤德等詣兩軍諭解秋閏七月次潢河太后李胡整兵拒於橫渡相持數日用屋質之謀各罷兵趨上京旣而聞太后李胡復有異謀遷于祖州誅司徒劃設及楚補里八月壬午朔尊母蕭氏爲皇太后以太后族刺只撒古魯爲國舅帳立詳穩以總焉以崇德宮戶分賜翼戴功臣及北院大王汪南院大王吼各五十安搏楚補各百的魯鐵刺子孫先以非罪籍沒者歸之癸未始置北院樞密使以安搏爲之九月壬子崩葬嗣聖皇帝於懷陵丁卯行柴冊禮群臣上尊號曰天

授皇帝大赦改大同元年爲天祿元年追謚皇考曰讓國  
皇帝以安端主東丹國封明王察割爲泰寧王劉哥爲惕  
隱高勲爲南院樞密使

二年春正月天德蕭翰劉哥益都等謀反誅天德杖蕭翰  
遷劉哥於遼罰益都使轄憂斯國漢主劉知遠殂子承祐  
立夏四月庚辰朔南唐遣李朗王祚來慰且賀兼奉蠟九  
書議攻漢秋七月壬申皇子賢生冬十月壬午南京留守  
魏王趙延壽薨以中臺省右相牒螭爲南京留守封燕王  
十一月駐蹕彰武南

三年春正月蕭翰及公主阿不里謀反翰伏誅阿不里瘦

死獄中庚申肆赦內外官各進一階夏六月戊寅以敞史  
耶律胡離軫爲北院大王己卯惕隱顯昱封漆水郡王秋  
九月辛丑朔召群臣議南伐冬十月遣諸將率兵攻下貝  
州高老鎮徇地鄴都南宮堂陽殺深州刺史史萬山俘獲  
甚衆

四年春二月辛未泰寧王察割來朝留侍是月建政事省  
三月戊戌朔南唐遣趙延嗣張福等來賀南征捷秋九月  
乙丑朔如山西冬十月自將南伐攻下安平內丘東鹿等  
城大獲而還是歲冊皇后蕭氏

五年春正月癸亥朔智泉湖漢郭威弒其主自立國號

周遣朱憲來告即遣使致良馬漢劉崇自立於太原二月  
周遣姚漢英華昭胤來以書辭抗禮留漢英等夏五月壬  
戌朔太子太傅趙瑩薨朝一日命歸葬于汴詔州縣錄  
事叅軍主簿委政事省銓注六月辛卯朔劉崇爲周所攻  
遣使稱姪乞援且求封冊即遣燕王牒螭樞密使高勳冊  
爲大漢神武皇帝南唐遣蔣洪來乞舉兵應援是夏清暑  
百泉嶺九月庚申朔自將南伐壬戌次歸化州祥古山癸  
亥祭讓國皇帝于行宮群臣皆醉察害反帝遇弒年三十  
四應曆元年葬於顯州西山陵曰顯陵二年謚孝和皇帝  
廟號世宗統和二十六年七月加謚孝和莊憲皇帝

通鑑卷五  
贊曰世宗中才之主也入繼大統曾未三年納唐九書即  
議南伐旣乏持重宜班周防蓋有致禍之道矣然而孝友  
寬慈亦有君人之度焉未及師還變起沉湎豈不可哀也  
哉

本紀第五

本紀第六

遼史

開府儀同三司上柱國錄軍國軍事中書省和駁國史領經筵事勅總管院院奉

勅修

穆宗一

穆宗孝安敬正皇帝諱璟小字述律太宗皇帝長子母曰靖安皇后蕭氏會同二年封壽安王天祿五年九月癸亥世宗遇害逆臣察割等伏誅丁卯即皇帝位群臣上尊號曰天順皇帝改元應曆戊辰如南京是月遣劉承訓告哀于漢冬十一月漢周南唐各遣使來弔乙亥詔朝會依嗣聖皇帝故事用漢禮十二月甲辰漢遣使獻弓矢鞍馬壬



子鐵驪鼻骨德皆來貢

二年春正月戊午朔南唐遣使奉蠟丸書及進犀兕申萬  
屬壬戌太尉忽古質謀逆伏誅二月癸卯女直來貢三月  
癸亥南唐遣使奉蠟丸書丁卯復遣使來貢甲申以耶律  
撻烈爲南院大王夏四月丙戌朔日有食之己亥鐵驪進  
鷹鵠五月丙辰朔視朝壬午南唐遣使來貢六月壬辰國  
舅政事令蕭眉古得宣政殿學士李瀚等謀南奔事覺詔  
暴其罪乙未祭天地壬寅漢爲周所侵遣使求援命中臺  
省右相高模翰赴之丁未命乳媪之兄曷魯世爲阿速石  
烈夷離堇秋七月乙亥政事令婁國林牙敵烈侍中神都

郎君海里等謀亂就執八月己丑眉古得婁國等伏誅秋  
李瀚而釋之九月甲寅朔雲州進嘉禾四莖二穗戊午詔  
以先平察割日用白黑羊玄酒祭天歲以爲常壬戌獵炭  
山祭天庚辰敵烈部來貢冬十月甲申朔漢遣使進葡萄  
酒甲午司徒老古等獻白雉戊申回鶻及轄戛斯皆遣使  
來貢十一月癸丑朔視朝己巳地震己卯日南至始用舊  
制行拜日禮朔州民進黑兔十二月癸未朔高模翰及漢  
兵圍晉州辛卯以生日飯僧釋繫囚甲辰獵于近郊祀天  
地辛亥明王安端薨

三年春閏正月壬午朔漢以高模翰却周軍遣使來謝二

月辛亥朔詔用嗣聖皇帝舊曆甲子太保敵烈脩易州城  
鎮州以兵來挑戰却之三月庚辰朔南唐遣使來貢因附  
書于漢詔達之庚寅如應州擊鞠丁酉漢遣使進毬衣及  
馬庚子觀漁於神德湖夏四月庚申鐵驪來貢五月壬寅  
漢遣使言石晉樹先帝聖德神功碑爲周人所毀請再刻  
許之六月丁卯應天皇帝太后崩秋七月不視朝八月壬子  
以生日釋囚己未漢遣使求援三河烏古吐蕃吐谷渾鼻  
骨德皆遣使來貢九月庚子漢遣使貢藥冬十月己酉命  
太師唐骨德治大行皇太后園陵李胡子宛郎君嵇幹敵  
烈謀反事覺辭達太平王菴撤葛林牙華割郎君新羅等

皆執之十一月辛丑謚皇太后曰貞烈葬祖陵漢遣使來  
會冬駐蹕奉聖洲以南京水詔免今歲租

四年春正月戊寅回鶻來貢己丑華割秘幹等伏誅宛及  
番撒葛皆釋之是月周主威殂養子晉王柴榮嗣立二月  
丙午朔周攻漢命政事令耶律敵祿援之丙辰漢遣使進  
茶藥幸南京夏五月乙亥忻代二州叛漢遣南院大王撻  
烈助敵祿討之丁酉撻烈敗周將符彥卿於忻口六月癸  
亥撻烈獻所獲秋七月乙酉漢民有爲遼軍誤掠者遣使  
來請詔悉歸之九月丙申漢爲周人所侵遣使來告冬十  
一月彰國軍節度使蕭敵烈太保許從壇奏忻代二州撻

十二月辛酉朔謁祖陵庚午漢遣使來貢是多駐蹕杏嶠  
五年春正月辛未朔鼻骨德來貢二月庚子朔日有食之  
庚申漢遣使請上尊號不許壬戌如裏潭夏四月己酉周  
侵漢漢遣使求援癸丑命卽君蕭海瓊世爲北府宰相秋  
九月庚辰漢主有疾遣使來告冬十月壬申女直來貢丁  
亥謁太宗廟庚寅南唐遣使來貢十一月乙未朔漢主崇  
殂子承鈞遣使來告且求嗣立遣使弔祭遂封冊之十二  
月乙丑朔謁太祖廟辛巳漢遣使來議軍事

六年夏五月丁酉謁懷陵六月甲子漢遣使來議軍事秋  
七月不視朝九月戊午謁祖陵冬十一月壬寅鼻骨德來

貞十二月己未朔謁太祖廟

七年春正月庚子鼻骨德來貢二月辛酉南唐遣使奉蠟  
丸書辛未駐蹕潢河夏四月戊午朔還上京初女巫肖古  
上延年藥方當用男子膽和之不數年殺人甚多至是覺  
其妄辛巳射殺之五月辛卯漢遣使來貢六月丙辰周遣  
使來聘南唐遣使來貢八月己未周遣使來聘是秋不聽  
政冬十月庚申獵于七鷹山十二月丁巳詔大臣曰有罪  
者法當刑朕或肆怒濫及無辜卿等切諫無或面從辛巳  
還上京

八年春二月乙丑駐蹕潢河夏四月甲寅南京留守蕭思

溫攻下汾邊州縣遣人勞之五月周陷東城縣六月辛未  
蕭思溫請益兵乞駕幸燕秋七月獵于拽刺山迄于九月  
射鹿諸山不視朝冬十一月辛酉漢遣使來告周復來侵  
乙丑使再至十二月庚辰又至

九年春正月戊辰駐蹕漢河夏四月丙戌周來侵戊戌以  
南京留守蕭思溫爲兵馬都總管擊之是月周拔益津瓦  
橋淤口三關五月乙巳朔陷瀛莫二州癸亥如南京辛未  
周兵退六月乙亥朔視朝戊寅復容城縣庚申西幸如懷  
州是月周主榮殂子宗訓立秋七月發南京軍戊范陽冬  
十二月戊寅還上京庚辰王手敵烈前宣徽使海思及蕭

達干等謀反事覺鞠之辛巳祀天地祖考告逆黨事敗丙  
申召群臣議時政

十年春正月周殿前都點檢趙匡胤廢周自立建國號宋  
夏五月乙巳謁懷陵土子漢以潞州歸附來告丙寅至自  
懷陵六月庚申漢以宋兵圍石州來告遣大同軍節度使  
阿剌率四部往援詔蕭恩溫以三部兵助之秋七月己亥  
朔宋兵陷石州潞州復叛漢使來告辛酉政事令耶律壽  
遠太保楚阿不等謀反伏誅以酒脯祠天地于黑山八月  
如秋山幸懷州庚午以鎮茵石狻猊擊殺近侍古哥冬十  
月丙子李胡子喜隱謀反辭連李胡下獄死十一月海思



獄中上書陳便宜

十一年春二月丙寅釋喜隱辛亥司徒烏里只子迭刺哥  
誣告其父謀反復詐乘傳及殺行人以其父請杖而釋之  
丙辰蕭思溫奏老人星見乞行赦宥閏月甲子如潢河夏  
四月癸巳朔日有食之是月射鹿不視朝五月乙亥司天  
王白李正等進曆六月甲午赦冬十一月歲星犯月

十二年春正月甲戌夜觀燈二月己丑朔以御史大夫蕭  
護思爲北院樞密使賜對衣鞍馬夏五月庚午以旱命左  
右以水相沃頃之果雨六月甲午祠木葉山及潢河秋如  
黑山赤山射鹿

十三年春正月自丁巳晝夜酣飲者九日丙寅宋欲城益  
津關命南京留守高勲統軍使崔延勲以兵擾之癸酉殺  
獸人海里二月庚寅漢遣使來告欲巡邊徼乞張聲援壬  
辰如潢河癸巳觀群臣射賜物有差乙巳老人星見三月  
癸丑朔殺鹿人彌里吉臬其首以示掌鹿者夏四月壬寅  
獵于潢河五月壬戌幹朗改國所進花鹿生麝六月癸未  
近侍傷樟杖殺之甲申殺樟人霞馬壬辰詔諸路錄囚秋  
七月辛亥朔漢以宋侵來告乙丑薦時羞於廟八月甲申  
以生日縱五坊鷹鷂戊戌幸近山呼鹿射之旬有七日而  
後返九月庚戌朔以青牛白馬祭天地飲于野次終夕乃

罷辛亥以酒脯祭天地復終夜酣飲冬十月丙申漢以宋  
侵來告十一月庚午獵飲于虞人家凡四日十二月戊  
子射野鹿賜虞人物有差夷實殺疏人曷主

本紀第六

本紀第七

遼史七

開府儀同三司柱國錄軍國軍事中書右丞相監修國史領經筵事都總裁臣脫脫奉勅修

穆宗二

十四年春正月戊寅朔奉安神燹戊戌漢以宋將來襲馳告二月壬子詔西南面招討使撻烈進兵援漢癸亥如漢河戌辰支解鹿人沒荅海里等七人于野封土識其地已巳如老林東灤壬申漢以敗宋兵石州來告夏四月丁巳漢以擊退宋軍遣使來謝是月黃龍府甘露降五月射詆麟鹿于白鷹山至于浹旬六月丙午朔獵于玉山竟月忘

遼秋七月壬辰以酒脯祀黑山八月乙巳如磴子嶺呼鹿射之獲鹿四賜虞人女瓌等物有差丁未還宮戊申以生日值天赦不受賀曲赦京師囚乙卯錄囚九月黃室韋叛冬十月丙午近侍烏古者進石錯賜白金二百五十兩丙辰以掌鹿矧思代斡里爲閭撒狝賜金帶金盞銀二百兩所隸死罪以下得專之十一月壬午日南至宴飲達旦自是晝寢夜飲殺近侍小六於禁中十二月丙午以黑兔祭神烏古叛掠民財畜詳穩僧隱與戰敗績僧隱及乙實等死之

十五年春正月己卯以樞密使雅里斯爲行軍都統虎軍

詳穩楚思爲行軍都監益以突呂不部軍三百合諸部兵  
討之烏古夷离董子勃勒底獨不叛詔褒之是月老人星  
見二月壬寅朔日有食之上東幸甲寅以獲鴨除鷹坊刺  
面腰斬之刑復其徭役是月烏古殺其長罕離底餘衆降  
復叛三月癸酉近侍東兒進匕筯不時手刃刺之丁丑大  
黃室韋酋長寅尼吉叛癸未五坊人四十戶叛入烏古癸  
巳虞人沙剌迭偵鵠失期加炮烙鐵梳之刑而死夏四月  
乙巳小黃室韋叛雅里斯楚思等擊之爲室韋所敗遣使  
詰之乙卯以禿里代雅里斯爲都統以女古爲監軍率輕  
騎進討仍令撻馬尋吉里持詔招諭五月壬申尋吉里奏

諭之不從雅里斯以撻凜蘇二群牧兵追至柴河與戰不利甲申庫古只奏室韋長寅尼吉亡入敵烈六月辛亥俞魯古獻良馬賜銀二千兩以近侍忽刺比馬至先以聞賜銀千兩是月敵烈來降秋七月甲戌雅里斯奏烏古至河德灤遣夷离董畫里夷离畢常思擊之丁丑烏古掠上京北榆林峪居民遣林牙蕭幹討之庚辰雅里斯等與烏古戰不利十月丁未常思與烏古戰敗之十二月甲辰以近侍喜哥私歸殺其妻丁未殺近侍隨魯駐蹕黑山平淀十六年春正月丁卯朔被酒不受賀甲申微行市中賜酒家銀絹乙酉殺近侍白海及家僕衫褙押刺葛樞密使門

吏老古撻馬失魯三月己巳東幸庚午獲鴨甲申獲鵝皆  
飲達旦五月甲申以歲旱泛舟于池禱雨不雨捨舟立水  
中而禱俄頃乃雨六月丙申以白海死非其罪賜其家銀  
絹秋七月壬午諭有司凡行幸之所必高立標識令民勿  
犯違以死論八月丁酉漢遣使貢金器鎧甲閏月乙丑觀  
野鹿入馴鹿群立馬飲至晡九月庚子以重九宴飲夜以  
繼日至壬子乃罷己未殺狼人褭里十月庚辰漢主有母  
喪遣使賻弔十二月甲子幸酒人拔刺哥家復幸殿前都  
點檢耶律夷膺薦第宴飲連日賜金盃細錦及孕馬百疋  
左右授官者甚衆戊辰漢遣使來貢是冬駐蹕黑山平淀



十七年春正月庚寅朔林牙蕭幹郎君耶律賢適討烏古  
還帝執其手賜卮酒授賢適右皮室詳穩雅里斯楚思霞  
里三人賜醕酒以辱之乙卯夷離畢骨欲獻烏古俘二月  
甲子高勲奏宋將城益津關請以偏師擾之上從之夏四  
月戊辰殺鷹人敵魯丙子射柳祈雨後以水沃群臣五月  
辛卯殺鹿人札葛壬辰北府宰相蕭海瓌薨朝罷重五  
宴六月己未支解雉人壽哥念古殺鹿人四十四人是夏  
駐蹕裏潭秋八月辛酉生日以政事令阿不底病亟不受  
賀九月自丙戌朔獵于黑山赤山至于月終冬十月乙丑  
殺酒人粹你十一月辛卯殺近侍廷壽壬辰殺豕人阿不

札曷魯木里者涅里括庚子司天臺奏月當食不虧上以爲祥歡飲達旦壬寅殺鹿人唐果直哥撒刺十二月辛未手殺獲人海里復鬻之是冬駐蹕黑河平淀

十八年春正月乙酉朔宴于宮中不受賀己亥觀燈于市以銀百两市酒命群臣亦市酒縱飲三夕二月乙卯幸五坊使霞實里家宴飲達旦三月甲申朔如潢河乙酉獲鴛鵝祭天地造大酒器刻爲鹿文名曰鹿甌貯酒以祭天庚戌殺鵑人胡特魯近侍化葛及監囚海里仍剉海里之尸夏四月癸丑殺甌人抄里只己巳詔左右從班有材器幹局者不次擢用老耄者增俸以休于家五月丁亥重五以

被酒不受賀壬辰獲鵝于述古水野飲終夜丁酉與政事  
令蕭排押南京留守高勲太師昭古劉承訓等酣飲連日  
夜巳亥殺鹿人頗德鵬哥陶瑰札不哥蘇古涅離保彌古  
特敵答等六月丙辰殺彘人屯奴已未爲殿前都點檢吏  
鵬葛置神帳曲赦京畿囚甲戌撻烈於鵬窠中得牝犬來  
進是夏清暑襄潭秋七月辛丑漢主承鈞殂子繼元立來  
告遣使弔祭九月戊子殺詳穩八剌拽刺痕篤等四人已  
丑登小山祭天地戊戌知宋欲襲河東諭西南面都統南  
院大王撻烈豫爲之備巳亥獵熊以喚鹿人鋪姑并掖庭  
力賜夷臘葛甲辰以夷臘葛兼政事令仍以黑山東抹真

之地數十里賜之以女環爲近侍女直詳穩戛陌爲本部  
夷离董是秋獵于西京諸山冬十月辛亥朔宋圍太原詔  
撻烈爲兵馬總管發諸道兵救之十一月癸卯冬至被酒  
不受賀十二月丁丑殺酒人撻烈葛是冬駐蹕黑山東川  
十九年春正月己卯朔宴宮中不受賀己丑立春被酒命  
殿前都點檢夷臈葛代行擊土牛禮甲午與群臣爲葉格  
戲戊戌醉中驟加左右官乙巳詔太尉化哥曰朕醉中處  
事有乖無得曲從酒解可覆奏自立春飲至月終不聽政  
三月甲寅漢劉繼元嗣立遣使乞封冊辛酉遣韓知範冊  
爲皇帝癸亥殺前導未及益刺劉其屍棄之甲子漢遣使

進白鹿已巳如懷州獵獲熊歡飲方醉馳還行宮是夜近侍小哥盪人花哥庖人辛古等六人反帝遇弒年三十九廟號穆宗後附葬懷陵重熙二十一年謚曰孝安敬正皇帝

贊曰穆宗在位十八年知女巫妖妄見誅諭臣下濫刑切諫非不明也而荒耽于酒畋獵無厭偵鵝失期加炮烙鐵梳之刑獲鴨甚歡除鷹坊刺面之令賞罰無章朝政不視而嗜殺不已變起肘腋宜哉

本紀第七

本紀第八

遼史八

開府儀同三司上柱國錄軍國重事書右丞相監修國史領經事勳臣脫脫奉

勅修

景宗一

景宗孝成康靖皇帝諱賢字賢寧小字明辰世宗皇帝第二子母曰懷節皇后蕭氏察割之亂帝甫四歲穆宗即位養求興宮既長穆宗酗酒怠政帝一日與韓匡嗣語及時事耶律賢適止之帝悟不復言應曆十九年二月戊辰入見穆宗曰吾兒已成人可付以政已巳穆宗遇弒帝率飛龍使女里侍中蕭思溫南院樞密使高勲率甲騎千人馳

赴黎明至行在哭之慟群臣勸進遂即皇帝位於柩前百  
官上尊號曰天贊皇帝大赦改元保寧以殿前都點檢耶  
律夷臘石皮室詳穩蕭烏里只宿衛不嚴斬之三月丙戌  
入上京以蕭思溫爲北院樞密使太平王罽撒葛亡入沙  
陀已丑夷離畢粘木袞以陰附罽撒葛伏誅癸巳罽撒葛  
入朝甲午以北院樞密使蕭思溫兼北府宰相己亥南院  
樞密使高勲封秦王夏四月戊申朔進封太平王罽撒葛  
爲齊王改封趙王喜隱爲宋王封隆先爲平王稍爲吳王  
道隱爲蜀王必攝爲越王敵烈爲冀王宛爲衛王五月戊  
寅立貴妃蕭氏爲皇后丙申朔射柳祈雨有司請以帝生

日爲天清節從之壬寅漢遣李匡弼劉繼文李元素等來  
賀冬十月東幸襄潭十一月甲辰朔行柴冊禮祠木葉山  
駐蹕鶴谷乙巳蕭思溫封魏王北院大王屋質加于越

二年春正月丁未如潢河夏四月幸東京致奠于讓國皇  
帝及世宗廟五月癸丑西幸乙卯次盤道嶺盜殺北院樞  
密使蕭思溫六月還上京秋七月以右皮室詳穩賢適爲  
北院樞密使九月辛丑得國舅蕭海只及海里殺蕭思溫  
狀皆伏誅流其弟神觀于黃龍府十二月庚午漢遣使來  
貢

三年春正月甲寅右夷離畢奚底遣人獻敵烈俘詔賜有



功將士庚申置登聞鼓院辛酉南京統軍使魏國公韓匡美封鄴王二月癸酉東幸壬午遣鐸遏使阿薩蘭回鶻已丑以青牛白馬祭天地三月丁未以飛龍使女里爲契丹行宮都部署夏四月丁卯世宗妃啜里及蒲哥厭魅賜死己卯祠木葉山行再生禮丙戌至自東幸戊子蕭神觀伏誅六月丙子漢遣使問起居自是繼月而至丁丑回鶻遣使來貢秋七月辛丑以北院樞密使賢適爲西北路招討使八月甲戌如秋山辛卯祭皇兄吼墓追冊爲皇太子謚莊聖九月乙巳賜傅父侍中達里迭太保楚補太保婆兒保母回室押雅等戶口牛羊有差又以潛郎給使者爲據

馬部置官堂之壬子幸歸化州甲寅如南京冬十月己巳以黑白羊祀神癸未漢遣使來貢丙戌鼻骨德吐谷渾來貢十一月庚子臚胸河于越延尼里等率戶四百五十來附乞隸官籍詔留其戶分隸敦睦積慶永興三宮優賜遣之十二月癸酉以青牛白馬祭天地巳丑皇子隆緒生是冬駐蹕金川

四年春二月癸亥漢以皇子生遣使來賀閏月戊申齊王轎撒葛薨三月庚申朔追冊爲皇太叔夏四月庚寅朔追封肅思溫爲楚國王是夏駐蹕冰井秋七月如雲州丁丑鼻骨德來貢冬十月丁亥朔如南京十二月甲午詔內外

官上封事

五年春正月甲子惕隱休哥伐党項破之以俘獲之數來  
上漢遣使來貢庚午御五鳳樓觀燈二月丁亥近侍實魯  
里誤觸神燄法論死杖釋之壬辰越王必攝獻党項俘獲  
之數戊申以青牛白馬祭天地辛亥幸新城三月乙卯朔  
復幸新城追封皇后祖胡母里爲韓王贈伯胡魯古兼政  
事令尼古只兼侍中夏四月丙申白氣晝見五月癸亥于  
越屋質薨輟朝三日辛未女直侵邊殺都監達里迭拽刺  
斡里魯驅掠邊民牛馬己卯阿薩蘭回鶻來貢六月庚寅  
女直宰相及夷离董來朝丙申漢遣人以宋事來告秋七

月庚辰以保大軍節度使耶律斜里底爲中臺省左相是  
月駐蹕燕子城九月壬子鼻骨德部長曷魯撻覽來貢冬  
十月丁酉如南京十一月辛亥朔始獲應曆逆黨近侍小  
哥花哥辛古等誅之十二月戊戌漢將改元遣使稟命是  
月如歸化州

六年春正月癸未幸南京三月宋遣使請和以涿州刺史  
耶律昌木加侍中與宋議和夏四月宋王喜隱坐謀及廢  
秋七月丁未朔閣門使酌古加檢校太尉兼御史大夫男  
海里以告喜隱事遙授隴州防禦使庚申獵于平地松林  
冬十月乙亥朔還上京十二月戊子以沙門昭敏爲三京

諸道僧尼都總管加兼侍中

七年春正月甲戌朔宋遣使來賀壬寅望祠木葉山二月  
癸亥漢鴈門節度使劉繼文來朝貢方物丙寅以青牛白  
馬祭天地三月壬午耶律速撒等獻党項俘分賜群臣夏  
四月遣郎君矧思使宋己酉祠木葉山辛亥射柳祈雨如  
頻蹕浞清暑五月丙戌祭神姑秋七月黃龍府衛將燕頗  
殺都監張琚以叛遣敝史耶律曷思討之九月敗燕頗  
於治河遣其弟安搏追之燕頗走保兀惹城安搏乃還以  
餘黨千餘戶城通州是秋至自頻蹕浞冬十月鈎魚土河  
八年春正月癸酉宋遣使來聘二月壬寅諭史館學士書

皇后言亦稱朕暨予著爲定式三月辛未遣五使廉問四方鰥寡孤獨及貧乏失職者振之夏六月以西南面招討使耶律斜軫爲北院大王秋七月丙寅朔寧王只沒妻安只伏誅只沒高勲等除名辛未宋遣使來賀天清節八月癸卯漢遣使言天清節設無遮會飯僧祝釐丁未如秋山已酉漢以宋事來告是月女直侵貴德州東境九月己巳謁懷陵辛未東京統軍使察鄰詳穩涸奏女直襲歸州五寨剽掠而去乙亥鼻骨德來貢壬午漢爲宋人所侵遣使求援命南府宰相耶律沙冀王敵烈赴之戊子漢以宋師壓境遣駙馬都尉盧俊來告冬十月辛丑漢以遼師退宋

軍來謝十一月丙子宋主匡胤殂其弟昞自立遣使來告  
辛卯遣郎君王六捷馬涅木古等使宋弔慰十二月壬寅  
遣蕭只古馬哲賀宋即位丁未漢以宋軍復至掠其軍儲  
來告且乞賜糧爲助戊午詔南京復禮部貢院是月轄戛  
斯國遣使來貢

本紀第八

本紀第九

遼史九

開府儀同三司在國編纂國重事中書省丞相修國史領經筵事都總裁臣脫脫奉

勅修

景宗二

九年春正月丙寅女直遣使來貢二月庚子宋遣使致其  
先帝遺物甲寅以青牛白馬祭天地三月癸亥耶律沙敵  
烈獻援漢之役所獲宋俘戊辰詔以粟二十萬斛助漢五  
月庚午漢遣使來謝且以宋事來告己丑女直二十一人  
來請宰相夷离堇之職以次授之六月丙辰以宋王喜隱  
爲西南面招討使秋七月庚申朔回鶻遣使來貢甲子宋



遣使來聘壬申漢以宋侵來告丙子遣使助漢戰馬八月  
漢遣使進葡萄酒冬十月甲子耶律沙以党項降酋可醜  
買交來見賜詔撫諭丁卯以可醜爲司徒買交爲太保各  
賜物遣之壬申女直遣使來貢乙酉漢復遣使以宋事來  
告十一月丁亥朔司天奏曰當食不虧戊戌吐谷渾叛入  
太原者四百餘戶索而還之癸卯祠木葉山乙巳遣太保  
迭烈割等使宋乙卯漢復遣使以宋事來告十二月戊辰  
獵于近郊以所獲祭天

十年春正月癸丑如長樂二月庚午阿薩蘭回鶻來貢三  
月庚寅祭顯陵夏四月丁卯西幸己巳女直遣使來貢五

月癸卯賜女里死遣人誅高勲等六月己未駐蹕泃柳湖  
秋七月庚戌享太祖廟九月癸未平王隆先子陳哥謀害  
其父車裂以徇是冬駐蹕金川

乾亨元年春正月乙酉遣撻馬長壽使宋問興師伐劉繼  
元之故丙申長壽還言河東逆命所當問罪若北朝不援  
和約如舊不然則戰二月丁卯漢以宋兵壓境遣使乞援  
詔南府宰相耶律沙爲都統冀王敵烈爲監軍赴之又命  
南院大王斜軫以所部從樞密副使抹只督之三月辛巳  
速撒遣人以別部化哥等降納之丙戌漢遣使謝撫諭軍  
民詔北院大王奚底乙室王撒合等以兵戍燕己丑漢復

告宋兵入境詔左千牛衛大將軍韓偓大同軍節度使耶律善補以本路兵南援辛卯女直遣使來貢丁酉耶律沙等與宋戰於白馬嶺不利冀王敵烈及突呂不部節度使都敏黃皮室詳穩唐答皆死之士卒死傷甚衆夏四月辛亥漢以行軍事宜來奏盧俊自代州馳狀告急辛酉敵烈來貢五月己卯宋兵至河東漢與戰不利劉繼文盧俊來奔六月劉繼元降宋漢亡甲子封劉繼文爲彭城郡王盧俊同政事門下平章事宋主來侵丁卯北院大王奚底統軍使蕭討古乙室王撒合擊之戰千沙河失利己巳宋主圍南京丁丑詔諭耶律沙及奚底討古等軍中事宜秋七

月癸未沙等及宋兵戰于高粱河少却休哥斜軫橫擊大敗之宋王僅以身免至涿州竊乘驢車遁去甲申擊宋餘軍所殺甚衆獲兵仗器甲符印糧饋貨幣不可勝計辛丑耶律沙遣人上俘獲以權知南京留守事韓德讓權南京馬步軍都指揮使耶律學古知三司事劉弘皆能安人心捍城池並賜詔褒獎八月壬子阻卜惕隱曷魯夷离堇阿里觀等來朝乙丑耶律沙等獻俘丙寅以白馬之役責沙抹只復以走宋主功釋之奚底遇敵而退以劒背擊之撒合雖却部伍不亂宥之冀王敵烈麾下先遁者斬之都監以下杖之壬申宴沙抹只等將校賜物有差九月己卯燕

王韓匡嗣爲都統南府宰相耶律沙爲監軍惕隱休哥南院大王斜軫權奚王抹只等各率所部兵南伐仍命大同軍節度使善補領山西兵分道以進冬十月乙丑韓匡嗣與宋兵戰於滿城敗績辛未太保矧思與宋兵戰於火山敗之乙亥詔數韓匡嗣五罪赦之十一月戊寅宴賞休哥及有功將校乙未南院樞密使兼政事令郭襲上書諫畋獵嘉納之辛丑冬至赦改元乾亨十二月乙卯燕王韓匡嗣遙授晉昌軍節度使降封秦王壬戌蜀王道隱南京留守徙封荆王是冬駐蹕南京

二年春正月丙子朔封皇子隆緒爲榮王隆慶爲恒王丁

亥以惕隱休哥爲北院大王前樞密使賢適封西平郡王  
二月戊辰如清河三月丁亥西南面招討副使耶律王六  
太尉化哥遣人獻党項俘閏月庚午有鵠飛止御帳獲以  
祭天夏四月庚辰祈雨戊子清暑燕子城五月雷火乾陵  
松六月己亥喜隱復謀反囚于祖州秋七月戊午王六等  
獻党項俘八月戊戌東幸冬十月辛未朔命巫者祠天地  
及兵神辛巳將南伐祭旗鼓癸未次南京丁亥獲敵人射  
鬼箭庚寅次固安以青牛白馬祭天地己亥圍瓦橋關十  
一月庚子朔宋兵夜襲營突呂不部節度使蕭幹及四捷  
軍詳穩耶律痕德戰却之壬寅休哥敗宋兵於瓦橋東守

將張師引兵出戰休哥奮擊敗之戊申宋兵陣於水南休哥涉水擊破之追至莫州殺傷甚衆己酉宋兵復來擊之殆盡丙辰班師乙丑還次南京十二月庚午朔休哥拜于越大饗軍士

三年春二月丙子東幸己丑復幸南京三月乙卯皇子韓八卒辛酉葬潢土二河之間置永州以秦王韓匡嗣爲西南面招討使五月丙午上京漢軍亂劫立喜隱不克僞立其子留禮壽上京留守除室擒之秋七月甲子留禮壽伏誅冬十月如蒲瑰坡十一月辛亥加除室同政事門下平章事是月以南院樞密使郭襲爲武定軍節度使十二月

以遼興軍節度使韓德讓爲南院樞密使

四年春正月己亥如華林天柱三月乙未清明與諸王大臣較射宴飲夏四月自將南伐至滿城戰不利守太尉奚瓦里中流矢死統軍使善補爲伏兵所圍樞密使斜軫救免詔以失備杖之五月班師清暑燕子城秋七月壬辰遣使賜喜隱死八月如西京九月庚子幸雲州甲辰獵于祥古山帝不豫壬子次焦山崩於行在年三十五在位十三年遺詔梁王隆緒嗣位軍國大事聽皇后命統和元年正月壬戌上尊謚孝成皇帝廟號景宗重熙二十一年加謚孝成康靖皇帝



贊曰遼興六十餘年神冊會同之間日不暇給天祿應曆之君不令其終保寧而來人人望治以景宗之資任人不疑信賞必罰若可與有爲也而竭國之力以助河東被軍殺將無救滅亡雖一取償於宋得不償失知匡嗣之罪數而不罰善郭襲之諫納而不用沙門昭敏以左道亂德寵以侍中不亦惑乎

本紀第十

遼史十

開府儀同三司上柱國錄軍國重事書省右相兼國史領經筵事都總裁臣脫脫奉

勅修

聖宗一

聖宗文武大孝宣皇帝諱隆緒小字文殊奴景宗皇帝長子母曰睿智皇后蕭氏帝幼喜書翰十歲能詩既長精射法曉音律好繪畫乾亨二年封梁王四年九月壬子景宗崩癸丑即皇帝位於柩前時年十二皇后奉遺詔攝政詔諭諸道冬十月己未朔帝始臨朝辛酉群臣上尊號曰昭聖皇帝尊皇后爲皇太后大赦以南院大王勃古哲總領

山西諸州事北院大王于越休哥爲南面行軍都統奚王  
和朔奴副之同政事門下平章事蕭道寧領本部軍駐南  
京乙丑如顯州十一月甲午置乾州十二月戊午朔耶律速  
撒討阻卜辛酉南京留守荆王道隱奏宋遣使獻犀帶請  
和詔以無書却之甲子撻刺干乃万十醉言宮掖事法當  
死杖而釋之辛未南面招討使秦王韓匡嗣薨癸酉奉大  
行皇帝梓宮于蕞塗殿庚辰省置中臺省宮

統和元年春正月戊午朔以大行在殯不受朝乙丑奉遺  
詔召先帝庶兄質睦于蕞塗殿前復封寧王加宰相室昉  
宣徽使普領等恩丙寅荆王道隱有疾詔遣使存問是日

皇太后幸其邸視疾戊辰以烏隈烏骨里部節度使耶律  
章瓦同政事門下平章事申戌荆王道隱薨輟朝三日追  
封晉王遣使撫慰其家丙子以于越休哥爲南京留守仍  
賜南面行營總管印綬總邊事渤海撻馬解里以受先帝  
厚恩乞殉葬詔不許賜物以旌之戊寅遣使賜于越休哥  
及奚王籌寧統軍使頗德等湯藥命懇篤持送休哥下車  
勝以諭燕民辛巳速撒獻阻卜俘壬午涿荊刺史安吉奏  
宋築城河北詔留守于越休哥撓之勿令就功趙妃及公  
主胡骨典奚王籌寧宰相安寧北大王普奴寧惕隱屈烈  
吳王稍寧王只沒與橫帳國舅契丹漢宮等並進助山陵

費癸未齊國公主率內外命婦進物如之甲申西南面招討使韓德威奏党項十五部侵邊以兵擊破之乙酉以速撒破阻卜下詔褒美仍諭與大漢討党項諸部丁亥樞密使兼政事令室昉以年老請解兼職詔不允二月戊子朔禁所在官吏軍民不得無故聚衆私語及冒禁夜行違者坐之己丑南京奏聞宋多聚糧邊境及宋主將如臺山詔休哥嚴爲之備甲午葬景宗皇帝於乾陵以近幸朗掌飲伶人撻魯爲殉上與皇太后因爲書附上大行丙申皇太后詣陵置奠命繪近臣於御容殿賜山陵工人物有差廣子以先帝遺物賜皇族及近臣辛丑南京統軍使耶律善

補養宋邊七十餘村來附詔撫存之乙巳以御容殿爲玉  
殿酒谷爲聖谷速撒奏討党項捷遣使慰勞戊申以惕隱  
化哥爲北院大王解領爲南府宰相辛亥幸聖山遂謁三  
陵甲寅以皇女長壽公主下嫁國舅宰相蕭婆項之子具  
留三月戊午天德軍節度使頽刺父子戰歿以其弟涅離  
襲爵己未次獨山遣使賞西南面有功將士辛酉以太父  
悵太尉耶律曷魯寧爲惕隱甲子駐蹕遼河之平淀辛巳  
以國舅同平章事蕭道寧爲遼興軍節度使仍賜號忠亮  
佐理功臣壬午以青牛白馬祭天地夏四月丙戌朔幸東  
京以樞密副使耶律朮只兼侍中爲東京留守庚寅謁太

祖廟癸巳詔賜物命婦寡居者丙申南華辛丑謁三陵以  
東京所進物分賜陵寢官吏復詔賜西南路招討使大漢  
劒不用命者得專殺壬寅致享于凝神殿癸卯謁乾陵乙  
巳遣人以酒脯祭平章耶律河陽墓庚戌幸夫人烏骨里  
第謁太祖御容禮畢幸公主胡古典第飲賜與甚厚壬子  
大臣以太后預政宜有尊號請下有司詳定冊禮詔樞密  
院諭邊節將至行禮日止遣子弟奉表稱賀恐失邊備  
樞密請詔北府司徒頗德譯南京所進律文從之遂如微  
州以耶律慶朗爲信州節度使五月丙辰朔國舅政事門  
下平章事蕭道寧以皇太后慶壽請歸父母家行禮而齊

國公主及命婦群臣各進物設宴賜國舅帳耆年物有差  
壬戌西南路招討請益兵討西突厥諸部詔北王府耶律  
蒲奴寧以敵畢迭烈二部兵赴之癸亥以于越休哥在南  
院過用吏人詔南大王毋相循襲庚午耶律善補招亡入  
宋者得千餘戶歸國詔令撫慰辛未次永州祭王子藥師  
奴墓乙亥詔近臣議皇太后上尊號冊禮樞密使韓德度  
以後漢太后臨朝故事草定上之丙子以青牛白馬祭天  
地戊寅辛未葉山西南路招討使大漢奏近遣拽刺跋刺  
哥諭党項諸部來者甚衆下詔褒美六月乙酉朔詔有司  
冊皇太后日給三品以上法服三品以下用大射柳之服



西南路招討使奏党項酋長執夷離董子隈引等乞內附  
詔撫納之仍察其誠僞謹邊備丙戌還上京己丑有司奏  
同政事門下平章事駙馬都尉盧俊與公主不協詔離之  
遂出後爲興國軍節度使辛卯有事于太廟甲午上率群  
臣上皇太后尊號曰承天皇帝太后羣臣上皇帝尊號曰天  
輔皇帝大赦改元統和丁未覃恩中外文武官各進爵一  
級以樞密副使耶律斜軫守司徒秋七月甲寅朔皇太后  
聽政乙卯上親錄囚王子司徒婁國坐稱疾不赴山陵筭  
二十辛酉行再生禮癸酉臨潢尹裊衮進飲饌上與諸王  
分朋擊鞠丙子韓德威遣詳穩轄馬上破党項俘獲數并

送夷裔董之子來獻辛巳賞西南面有功將士八月戊子  
上西巡己丑謁祖陵辛卯皇太后祭楚國王蕭思溫墓癸  
巳上與皇太后謁懷陵遂幸懷州甲午上與斜軫於太后  
前易弓矢鞍馬約以爲友己亥獵赤山遣使薦熊肪鹿脯  
于乾陵之凝神殿以政事令孫禎無子詔國舅小翁帳郎  
君挑隈爲之後乙巳詔于越休哥提點元城壬子韓德威  
表請伐党項之復叛者詔許之仍發別部兵數千以助之  
九月癸丑朔以東京平州旱蝗詔振之乙卯謁求興長寧  
敦睦三宮丙辰南京留守奏秋霖害稼請權傳關征以通  
山西糴易從之庚申謁宣簡皇帝廟辛酉幸祖州謁祖陵

壬戌還上京辛未有司請以帝生日爲千齡節從之皇太后言故于越屋只有傳導功宜錄其子孫遂命其子泮泱爲林牙丙子如老翁川冬十月癸未朔司天奏老人星見戊子以公主淑哥下嫁國舅詳穩照姑癸巳速撒奏敵烈部及叛蕃來降悉復故地乙未以燕京留守于越休哥言每歲諸節度使貢獻如契丹官例止進鞍馬從之丁酉以吳王稍爲上京留守行臨潢尹事上將征高麗親閱東京留守耶律末只所總兵馬丙午命宣徽使兼侍中蒲領林牙肯德等將兵東討賜旗鼓及銀符十一月壬子朔觀漁撿馬灤癸丑應州奏獲宋謀者言宋除道五臺山將入靈

丘界詔謀者及居停人並磔于市庚辰上與皇太后祭乾陵下詔諭三京左右相左右平章事副留守判官諸道節度使判官諸軍事判官錄事參軍等當執公方母得阿順諸縣令佐如遇州官及朝使非理徵求母或畏徇恒加采聽以爲歿最民間有父母在別籍異居者聽鄰里覺發坐之有孝于父母三世同居者旌其門閭十二月壬午朔謁凝神殿遣使分祭諸陵賜守殿官屬酒是日幸顯州丁亥以顯州歲貢綾錦分賜左右甲午東幸己亥皇太后觀漁于玉盆灣辛丑觀漁于濟淵甲辰勅諸刑辟已結正決遣而有寃者聽詣臺訴是夕然萬魚燈于雙溪戊申千齡節

祭日月禮畢百僚稱賀

二年春正月甲子如長樂二月癸巳國舅帳彰德軍節度使蕭闡覽來朝甲午賜將軍耶律敵不春衣束帶丙申東路行軍宣徽使蕭蒲寧奏討女直捷遣使執手獎諭庚子朝皇太后太后因從觀獵于饒樂川乙巳五國烏隈于厥節度使耶律隗注以所轄諸部難治乞賜詔給劍便宜行事從之丙午上與諸王大臣較射丁未韓德威以征党項迴遂襲河東獻所俘賜詔褒美二月乙卯劃離部請今後詳穩止從本部選授爲宜上曰諸部官惟在得人豈得定以所部爲限不允贈故同平章事趙延煦兼侍中夏四月

丁亥宣徽使同平章事耶律普寧都監蕭勤德獻征女直  
捷授普寧兼政事令勤德神武衛大將軍各賜金器諸物  
庚寅皇太后臨決滯獄辛卯祭風伯壬辰以宣徽南院使  
劉承規爲承德軍節度使崇德宮都部署保義軍節度使  
張德筠爲宣徽北院使五月乙卯祠木葉山丁丑駐蹕汾  
柳湖六月己卯朔皇太后決獄至月終秋七月癸丑皇太  
后行再生禮八月辛卯東京留守兼侍中耶律末只奏女  
直未直賽里等八族乞舉衆內附詔納之九月戊申朔  
駐蹕土河辛未以景宗忌日詔諸道京鎮遣官行香飯僧  
冬十月丁丑朔以歸化州刺史耶律普寧爲彰德軍節度

使右武衛大將軍韓倬爲彰國軍節度使兼侍衛親軍兵馬都指揮使冬十一月壬子以樞密直學士給事中鄭叡爲儒州刺史是月速撒等討阻卜殺其酋長撻刺于十二月辛丑以翰林學士承旨馬得臣爲宣政殿學士耶律頗德南京統軍使耶律瑤昇大內惕隱大仁靖東京中臺省右平章事

三年春正月丙午朔如長樂丁巳以翰林學士邢抱朴爲尚書禮部侍郎知制誥左拾遺知制誥劉景吏部郎中知制誥牛藏用並政事舍人二月丙子朔以牛藏用知樞密直學士三月乙巳朔樞密奏契丹諸役戶多困乏請以富

戶代之上因閱諸部籍涅刺烏隈二部戶少而役重并量  
免之夏四月乙亥朔祠木葉山壬午以鳳州刺史趙匡符  
爲保靜軍節度使癸未以左監門衛大將軍王庭勗爲奉  
先軍節度使彰武軍節度使韓德凝爲崇義軍節度使五  
月壬子還上京癸酉以國舅蕭道寧同平章事知潘州軍  
州事六月甲戌如栢坡皇太后親決滯獄乙亥以歸義軍  
節度使王希巖爲興國軍節度使秋七月甲辰朔詔諸道  
繕甲兵以備東征高麗甲寅東華甲子遣郎君班裏賜秦  
王韓匡嗣葬物丙寅駐蹕土河以暴漲命造船橋明日乘  
步輦出聽政老人星見丁卯遣使閱東京諸軍兵器及東



征道路以平章事蕭道寧爲昭德軍節度使武定軍節度使守司空兼政事令郭襲爲天平軍節度使大同軍節度使守太子太師兼政事令劉延構爲義成軍節度使贈尚父秦王韓匡嗣尚書令八月癸酉朔以遼澤沮洳罷征高麗命樞密使耶律斜軫爲都統駙馬都尉蕭懇德爲監軍以兵討女直丁丑次橐城庚辰至顯州謁凝神殿辛巳幸乾州觀新宮癸未謁乾陵甲申命南北面臣僚分巡山陵林才友令乾顯二州上所部里社之數丙戌北皮室詳穩進勇敢士七人戊子故南院大王諧領已里婉妻蕭氏奏夫死不能葬詔有司助之庚寅東征都統所奏路尚陷濘未

可進討詔俟澤涸深入癸巳皇太后謁顯陵庚子謁乾陵  
辛丑西幸閏九月癸酉命邢抱朴勾檢顯陵丙子行次海  
上庚辰重九駱駝山登高賜群臣菊花酒辛巳詔諭東征  
將帥乘水涸進討丙申女直宰相朮不里來貢戊戌駐蹕  
東古山己亥速撒奏朮不姑諸部至近淀夷裔董易魯姑  
請行俘掠上曰諸部於國無惡何故俘掠徒生事耳不允  
冬十月甲戌詔吳王稍領秦王韓匡嗣葬祭事丁丑詔以  
東北路兵馬監軍妻婆底里存撫邊民戊寅賜公主胡骨  
典葬夫金帛工匠辛卯以韓德讓兼政事令癸巳禁行在  
市易布帛不中尺度者丙申東征女直都統蕭闥覽菩薩

通紀一  
奴以行軍所經地里物產采上

本紀第十

本紀第十一

遼史十一

開府儀同三司柱國錄軍國重事兼太師監修國史領經筵事兼總樞密

勅修

聖宗二

四年春正月甲戌觀漁土河林牙耶律謀魯姑彰德軍節  
度使蕭闡覽上東征俘獲賜詔獎諭丙子樞密使耶律斜  
軫林牙勤德等上討女直所獲生口十餘萬馬二十餘萬  
及諸物已卯朝皇太后決滯訟壬午樞密使斜軫林牙勤  
德謀魯姑節度使闡覽統軍使室羅侍中抹只奚王府監  
軍迪烈與安吉等克女直還軍遣近侍泥里吉詔旌其功

仍執手撫諭賜酒果勞之甲午幸長深二月壬寅以四番  
都統軍李繼忠爲檢校司徒上柱國兼鄆西夏李繼遷叛宋  
來降以爲定難軍節度使銀夏饒宥等州觀察處置等使  
特進檢校太師都督夏州諸軍事西蕃酋帥瓦泥乞移爲保  
大軍節度使廊坊等州觀察處置等使甲寅郎律斜軻  
蕭闥覽謀魯姑等族帥來朝行飲至之禮賞賚有差丙  
寅行次裏里井二月甲戌于越休哥奏宋遣曹彬崔彥進  
米信由雄州道田重進飛狐道潘美楊繼業鴈門道來侵  
收溝涿州固安新城皆陷詔宣徽使蒲頌馳赴燕南與休  
哥議軍事分遣使者徵諸部兵益休哥以擊之復遣東京

留守耶律抹只以大軍繼進賜劔專殺乙亥以親征告陵  
廟山川丙子統軍使耶律頗德敗宋軍于固安休哥絕其  
糧餉擒將吏獲馬牛器仗甚衆庚辰薊州刺史趙彥童以  
城叛附于宋辛巳宋兵入涿州義順軍節度副使趙希贊  
以朔州叛附于宋時上與皇太后駐兵馳羅口詔趣東征  
兵馬以爲應援壬午詔林牙勤德以兵守平州之海岸以  
備宋仍報平州節度使迪里姑若勤德未至遣人趣行馬  
之則括民馬鎧甲闕則取於顯州之甲坊癸未遼軍與宋  
田重進戰于飛狐不利冀州防禦使大鵬翼康州刺史馬  
贊馬軍指揮使何萬通陷烏丁亥以北院樞密使耶律斜

軫爲山西兵馬都統以北院宣徽使蒲領馬南征都統以副于越休哥彰國軍節度使父正觀察判官宋雄以應州叛附于宋庚寅遣飛龍使亞刺文班吏亞達哥閱馬以給先發諸軍詔駙馬都尉蕭繼遠領之辛卯武定軍馬步軍都指揮使鄧州防禦使呂行德副都指揮使張繼從馬軍都指揮使劉知進等以飛狐叛附于宋癸巳賜林牙謀魯姑旗鼓四劔一率禁軍之驍銳者南助休哥丙申步軍都指揮使穆超以靈丘叛附于宋詔遣使賜樞密使斜軫密旨及彰國軍節度使杓密印以趣征討夏四月己亥朔次南京北郊庚子惕隱瑤昇西南面招討使韓德威以捷報辛

丑宋潘美陷雲州壬寅遣抹只謀魯姑勤德等領偏師以助休哥仍賜旗鼓杓衣印撫諭將校癸卯休哥復以捷報上以酒脯祭天地率群臣賀于皇太后詔勤德還軍丙午頗德上所獲鎧仗數戊申監軍宣徽使蒲領奏敵軍引退而奚王壽寧北大王蒲奴寧統軍使頗德等以兵追躡皆勝之遣敕吏勤德持詔褒美及詔侍中抹只統諸軍赴行在所頻不部節度使和盧覲黃皮室詳穩解里等各上所獲兵甲又詔兩部突騎赴蔚州以助閱覽橫帳郎君老君奴率諸郎君巡徼居庸之北將軍化哥統平州兵馬橫帳郎君奴哥爲黃皮室都監郎君謁里爲北府都監各以步



兵赴蔚州以助斜軫庚戌以斜軫爲諸路兵馬都統覽  
兵馬副部署迪子都監以代善補韓德威癸丑以艾正趙  
希贊及應州朔州節度副使奚軍小校隘離轄渤海小校  
貫海等叛入于宋籍其家屬分賜有功將校宋將曹彬米  
信北渡拒馬河與于越休哥對壘挑戰南北列營長六七  
里時上次涿州東五十里甲寅詔于越休哥奚王等寧宣  
徽使蒲領南北二王等嚴備水道無使敵兵得潛至涿州  
乙卯休哥等敗宋軍獻所獲器甲貨財賜詔褒美蔚州左  
右都押衙李存璋許彥欽等殺節度使蕭啜里執監城使  
銅州節度使耿紹忠以城叛附于宋丙辰復涿州生吳地戊

午上次沙姑河之北淀召林牙勤德議軍事諸將校各以所俘獲來上奚王壽寧南北二王率所部將校來朝以近侍粘米里所進自落鵝祭天地已未休哥蒲領來朝詔三司給軍前夏衣布庚申上朝皇太后辛酉大軍次固安壬戌圍固安城統軍使頗德先登城遂破大蹤俘獲居民先被俘者命以官物贖之甲子賞攻城將士有差五月庚午遼師與曹彬米信戰于岐溝關大敗之追至拒馬河溺死者不可勝紀餘衆奔高陽又爲遼師衝殺死者數萬棄戈甲若丘陵輓漕數萬人匿岐溝空城中圍之壬申以皇太后生辰縱還癸酉班師還次新城休哥蒲領奏宋兵奔逃

者比殺之甲戌以軍捷遣使分諭諸路京鎮丁丑詔諸將  
校論功行賞無有不實已卯次固安南以青牛白馬祭天  
地庚辰以所俘宋人射鬼箭詔遣詳穩排亞率弘義宮兵  
及南北皮室郎君拽刺四軍赴應朔二州界與惕隱瑤昇  
招討韓德威等同禦宋兵在山西之未退者辛巳以瑤昇  
軍赴岫壬午還次南京癸未休哥籌寧蒲奴寧進俘獲斜  
軫遣判官蒲姑奏復蔚州斬首二萬餘級乘勝攻下靈飛  
孤賜蒲姑酒及銀器丙戌御元和殿大宴從軍將校封休  
哥爲宋國王加蒲領籌寧蒲奴寧及諸有功將校爵賞有  
差丁亥發南京詔休哥備器幣儲粟待秋大舉南征戊子

斜軫奏宋軍復圍蔚州擊破之詔以兵授瑤昇韓德威等  
壬辰以宋兵至平州瑤昇韓德威不盡追殺降詔詰責仍  
諭據城未降者必盡掩殺無使遁逃癸巳以軍前降卒分  
賜廩從乙未賞頗德諸將校士卒六月戊戌朔詔韓德威  
赴闕加統軍使頗德檢校太師甲辰詔南京留守休哥遣  
礮手西助斜軫乙巳以夷离畢姪里古部送輜重行宮暑  
行日五十里人馬疲乏遣使讓之丁未度居庸關壬子南  
京留守奏百姓歲輸三司鹽鐵錢折絹不如直詔增之甲  
寅斜軫奏復寰州乙卯皇太妃諸王公主迎上嶺表設御  
帳道傍置景宗御容率從臣進酒陳俘獲于前遂大宴戊

午幸涼陞以所俘分賜皇族及乳母已未聞所遣宣諭回  
鶻覈列智國度里亞里等爲木不姑邀留詔速撒賜木不  
姑貨幣諭以朝廷來遠之意使者由是乃得行癸亥以節  
度使韓毗哥翰林學士邢抱朴等充雲州宣諭招撫使丙  
寅以太尉王八所俘生口分賜趙妃及于越迪輦里婉秋  
七月丙子樞密使斜軫遣侍御涅里底幹勤哥奏復朔州  
擒宋將楊繼業及上所獲將校印綬誥勅賜涅里底等酒  
及銀器辛巳以捷告天地以宋歸命者二百四十人分賜  
從臣又以殺敵多詔上京開龍寺建佛事一月僧飯萬人  
辛卯斜軫奏大軍至蔚州營于州左得謀報敵兵且至乃

設伏以待敵至縱兵逆擊追奔逐北至飛狐口遂乘勝鼓  
行而西入寰州殺守城吏卒千餘人宋將楊繼業初以驍  
勇自負號楊無敵北據雲朔數州至是引兵南出朔州三  
十里至狼牙村惡其名不進左右固請乃行遇斜軫伏四  
起中流矢墮馬被擒殲發不食三日死遂函其首以獻詔  
詳穩轄交奎傳其首于越休哥以示諸軍仍以朔州之捷  
宣諭南京平州將吏自是宋守雲應諸州者聞繼業胥  
棄城遁八月丁酉置先離闥覽官六員領于骨里女直迪  
烈于等諸部人之隸宮籍者以北大王蒲奴寧爲後五  
州都管乙巳韓德讓奏宋兵所掠州郡其逃民禾稼膏藁

人收穫以其半給收者從之乙卯斜軫還自軍獻俘已未  
用室昉韓德讓言復山西今年租賦詔第山西諸將校功  
過而賞罰之乙室帳宰相安寧以功過相當追告身一通諦  
居部節度使佛奴笞五十楊隱璿昇拽刺歟烈朔州節度  
使慎思應州節度使骨只雲州節度使化哥軍校李元迪  
蔚州節度使佛留都監崔其劉繼琛皆以聞敵逃遁集官  
配烈仍配隸本貫領國舅軍主六笞五十壬戌以斜軫所  
部將校前破女直後有宋捷第功加賞癸亥加斜軫守太  
保九月丙寅朔皇太妃以上納后進衣物馳馬以助會親  
頒賜甲戌次黑河以重九登高于高水南皇祭天賜從臣

命婦菊花酒丁丑次河陽比戊寅内外命婦進會親禮物  
辛巳納皇后蕭氏丙戌次儒州以大軍將南征詔遣皮室  
詳穩乞的即君拽刺先赴本軍繕甲兵己丑召北大王蒲  
奴寧赴行在所甲午皇太后行再生禮冬十月丙申朔党  
項阻卜遣使來貢丁酉皇太后復行再生禮爲帝祭神祈  
福己亥以乙室王帳即君吳留爲御史大夫政事令室昉  
奏山西四川自宋兵後人民轉徙盜賊充斥乞下有司禁  
止命新州節度使蒲打里選人分道巡檢北大王帳即君  
曷葛只里言本府王蒲奴寧十七罪詔橫帳太保覈國底  
鞠之蒲奴寧伏其罪十一笞二十釋之曷葛只里亦伏誣



告六事命詳酌罪之知事勤德連坐杖一百免官甲辰出  
居庸關乙巳詔諸京鎮相次軍行諸細務權停理問庚戌  
分遣拽刺沿邊偵候辛亥命皇族盧帳駐東京延芳淀壬  
子詔以勅榜付于越休哥以南征諭拒馬河南六州乙卯  
幸南京戊午以南院大王留寧言復南院部民今年租賦  
未成以銀鼠青鼠及諸物賜京官僧道耆老甲子上與大  
臣分朋擊鞠十一月丙寅朔党項來貢庚午以政事令韓  
德讓守司徒壬申以古北松亭榆關征稅不法致阻商旅  
遣使鞠之女直請以兵從征許之癸酉御正殿大勞南征  
將校丙子南伐次狹底塢皇太后親閱輜重兵甲丁丑以

休哥爲先鋒都統戊寅日南至上率從臣祭酒景宗御容  
辛巳詔以北大王蒲奴寧居奉聖州山西五州公事並聽  
與節度使蒲打里共裁決之癸未祭日月爲駙馬都尉勤  
德祈福乙酉置諸部監勒所部各守營伍毋相錯雜丙戌  
遣謀魯姑蕭繼遠沿邊巡徼以所獲宋卒射鬼箭丁亥以  
青牛白馬祭天地辛卯次白佛塔川獲自落訓狐以爲吉  
徵祭天地詔駙馬都尉蕭繼遠林牙謀魯姑太尉林八等  
固守封疆毋漏間諜軍中無故不得馳馬仍縱諸軍殘南  
境桑果土匠至唐興縣時宋軍屯滹沱橋北選將亂射之  
橋不能守進焚其橋癸巳涉沙河休哥來議事北皮室詳

穩排亞獻所獲宋謀二人上賜衣物令還招諭泰州褚特  
部節度使盧補古都監耶律昫與宋戰于泰州不利甲午  
祭鹿鹿神以盧補古臨陣遁逃奪告身一通其判官都監  
各杖之郎君拽刺雙骨里遇宋先鋒於望都擒其士卒九  
人獲甲馬十一賜酒及銀器乙未以盧補古等罪詔諭諸  
軍以御蓋郎君化哥權褚特部節度使橫帳郎君佛留爲  
都監代盧補古權領國舅軍桃畏請置三校領散卒詔以  
郎君世音頗德等充命彰德軍節度使蕭闡覽將軍迪子  
略地東路詔休哥排亞等議軍事十一月己亥休哥敗宋  
軍於望都遣人獻俘壬寅營于滹沱北詔休哥以騎兵絕

宋兵母令入邢州命太師王六謹偵候癸卯小校曷主遇  
宋輜重引兵殺獲甚衆并焚其芻粟甲辰詔南大王與休  
哥合勢進討宰相安寧領迪离部及三剋軍殿上率大軍  
與宋將劉廷讓李敬源戰于莫州敗之乙巳擒宋將賀令  
圖楊重進等國舅詳穩撻烈哥宮使蕭打里死之丙午詔  
休哥以下入內殿賜酒勞之丁未築京觀復入南京禁輦  
擊楊團城手將以城降詔禁侵掠己酉營神榆村詔上楊  
團城粟麥兵甲之數辛亥以黑白二牲祭天地癸丑拔馮  
母鎮大縱俘掠丙辰邢州降丁巳拔深州以不即降誅守  
將以下縱兵大掠李繼遷引五百騎歛塞願婚大國永作

通紀二  
藩輔詔以王子帳節度使耶律襄之女汀封義成公主下  
嫁賜馬三千疋

本紀第十一

本紀第十二

遼史十二

開府儀同三司柱國錄軍國重事平章事兼樞密院事都統兼臣 脫脫奉

勅修

聖宗三

五年春正月乙丑破東城縣縱兵大掠丁卯次文安遣人  
諭降不聽遂擊破之盡殺其丁壯俘其老幼戊寅上還南  
京己卯御元和殿大賚將士壬辰如華林天柱二月甲午  
朔至自天柱三月癸亥朔幸長春宮賞花釣魚以牡丹徧  
賜近臣歡宴累日丁丑以諱居部下拽刺解里俱候有功  
命入御盞郎君班祗候夏四月癸巳朔幸南京丁酉上率

百僚冊上皇太后尊號曰睿德神略應運懿化承天皇太后禮畢群臣上皇帝尊號曰至德廣孝昭聖天輔皇帝戊戌詔有司條上勲舊等第加恩癸丑清暑永井六月壬辰召大臣決庶政丙申以耶律蘇爲遼郡刺史秋七月戊辰涅刺部節度使撒葛里有惠政民請留從之是月獵平地松林九月丙戌幸南京是冬止焉

六年春正月庚申如華林天柱二月丁未奚王鑑寧殺無罪人李浩所司議貴請貸其罪令出錢贖浩家從之甲寅大同軍節度使同平章政事劉京致仕己未休哥奏宋事宜上親覽之丙寅以司天趙宗德齊泰王守平邵祺闕梅

從征四載言天象數有徵賜物有差三月癸未李繼遷遣使來貢夏四月乙未幸南京丁酉胡里室橫突韓德讓墮馬皇太后怒殺之戊戌幸宋國王休哥第五月癸亥南府宰相耶律沙薨閏月丙戌朔奉聖訓言太祖所建金鈴閣壞乞加修繕詔以南征恐重勞百姓待軍還治之壬寅阿薩蘭回鶻來貢甲寅烏隈于厥部以歲貢貂鼠青鼠皮非土產皆於他處貿易以獻乙改貢詔自今止進牛馬六月癸亥党項太保阿剌恍來朝貢方物乙丑諭諸道兵馬備南征攻城器具乙酉夷離董阿魯勃送沙州節度使曹恭順還授于越秋七月丙戌觀市己亥遣南面招討使韓德



威討河湟諸蕃違命者賜休哥排亞部諸軍戰馬已酉駐蹕于洛河壬子加韓德威開府儀同三司兼政事令門下平章事東京留守兼侍中漆水郡王耶律抹只爲大同軍節度使癸丑排亞請增置涿州驛傳丙辰以青牛白馬祭天地八月戊午休哥與排亞裒里曷捉生將至易州遇宋兵殺其指揮使而還庚申幸黎園溫湯癸亥以將伐宋遣使祭木葉山丁丑瀕海女直遣使速魯里來朝西北路官押詳穩速撒哥以伐折立助里二部上所俘獲東路抹牙蕭勤德及統軍石老以擊敗女直兵獻俘大同軍節度使耶律抹只奏今歲霜旱乏食乞增價折粟以利貧民詔從

之濱海女直遣厮魯里來修壬寅丙申化哥與木不姑春  
古里來貢休哥遣詳穩意德里獻所獲宋諜者丁酉皇太  
后幸韓德讓帳厚加賞賚命從臣分朋雙陸以盡歡九月  
戊戌幸南京己亥有事于太宗皇帝廟以唐元德爲奉陸  
軍節度使癸卯祭旗鼓南伐庚戌次涿州射帛書諭城中  
降不聽乙卯縱兵四面攻之城破乃降因撫諭其衆駙馬  
蕭勤德太師闡覽皆中流矢勤德載帝車中以歸聞宋軍  
退遣斜軫排亞等追擊大敗之冬十月戊午攻沙堆驛破  
之己巳以黑白羊祭天地庚午以宋降軍分置七指揮號  
歸聖軍壬申行軍叅謀宣政殿學士馬得臣言諭降宋軍

恐終不爲用請並放還詔不允丙子籌寧奏破狼山捷辛巳復奏敗宋兵于益津關癸未進軍長城口宋定州守將李興以兵來拒休哥擊敗之追奔五六里十一月甲申上以將攻長城口詔諸軍脩攻具庚寅駐長城口督大軍四面進攻士潰圍委城遁斜軫招之不降上與韓德讓邀擊之殺獲殆盡獲者分隸燕軍辛卯攻滿城圍之甲午拔其城軍事開北門道上使諭其將領乃率衆降戊戌攻下祁州縱兵大掠己亥拔新樂庚子破小狼山此若干未宋軍千人出益津關國舅郎君桃委詳穩十哥擊走之殺副將一人己酉休哥獻黃皮室詳穩徇地莫州所獲馬二千匹士

卒二十人命賜降者衣帶使隸燕京辛亥西路又送降卒二百餘人給寒者裘衣以馬得臣權宣徽院事十二月甲寅朔賜皮室祥穩乞得禿骨里戰馬橫帳郎君達打里劫掠命杖之丙辰畋于沙河休哥獻奚祥穩耶魯所獲宋謀丁巳遣北宰相蕭繼遠等往覘安平侍衛馬軍司奏攻祁州新樂都頭劉贊等三十人有功乞加恩賞是月大軍駐宋境是歲詔開貢舉一人及第

七年春正月癸未朔班師戊子宋雞壁砦守將郭榮率衆來降詔屯南京庚寅次長城口三卒出營劫掠答以徇衆以所獲物分賜左右壬辰李繼遷與兄繼捧有怨乞與通

好上知其非誠不許癸巳諭諸軍趣易州己亥禁部從伐民桑梓癸卯攻易州宋兵出遂城來援遣鐵林軍擊之擒其指揮使五人甲辰大軍齊進破易州降刺史劉墀守陴士卒南遁上帥師邀之無敢出者即以馬質爲刺史趙質爲兵馬都監遷易州軍民于燕京以東京騎將夏貞顯之子仙壽先登授高州刺史乙巳幸易州御五花樓撫諭士庶丙午以青牛白馬祭天地詔諭三京諸道戊申次潞水謁景宗皇帝廟詔遣涿州刺史耶律守雄護送易州降人八百還隸本貫己酉次岐溝射鬼箭辛亥還次南京六軍解嚴二月壬子朔上御元和殿受百官賀詔雞壁紫民二

百戶徙居檀順薊三州甲寅回鶻于闐師子等國來貢乙卯大饗軍士爵賞有差樞密使韓德讓封楚國王駙馬都尉蕭寧遠同政事門下平章事是日幸長春宮甲子詔南征所俘有親屬分隸諸帳者給官錢贖之使相從乙丑賞南征女直軍使東還丙寅禁舉人匿名飛書謗訕朝廷癸酉吐蕃党項來貢甲戌雲州租賦請止輸本道從之丙子以女直活骨德爲本部相分遣巫覡祭名山大川丁丑皇子佛寶奴生戊寅阿薩蘭于闐轄烈並遣使來貢三月壬午朔遣使祭木葉山禁芻牧傷禾稼宋進士十七人挈家來歸命有司考其中第者補國學官餘授縣主簿尉李繼

遷遣使來貢丁亥詔知易州趙質收戰亡士卒骸骨築京  
觀戊子賜于越宋國王紅珠筋線命入內神帳行再生禮  
皇太后賜物甚厚以雞壁畧民成延朗等八戶隸飛狐已  
丑詔免雲州逋賦乙室王貫寧擊鞠爲所部郎君高四縱  
馬突死詔訊高四罪丙申詔開奇峯路通易州市戊戌以  
王子帳耶律襄之女封義成公主下嫁李繼遷是春駐蹕  
延芳淀夏四月甲寅還京乙卯國舅太師蕭闡覽爲子排  
亞請上皇女延壽公主許之丙辰謁太宗皇帝廟以御史  
大夫烏骨領乙室大王巳未幸延壽寺飯僧甲子諫議大  
夫馬得臣以上好擊毬上䟽切諫臣伏見陛下聽朝之暇

以擊毬爲樂臣思此事有三不宜上下分朋君臣爭勝君  
得臣奪君輸臣喜一不宜也往來交錯前後遮約爭心競  
起禮容全廢若貪月杖誤拂天衣臣旣失儀君又難責二  
不宜也輕萬乘之貴逐廣場之娛地雖平至爲堅确馬雖  
良亦有驚蹶或因奔擊失其控御聖體寧無虧損太后豈  
不驚懼三不宜也臣望陛下念繼承之重止危險之戲疏  
奏太嘉納之丁卯吐渾還金回鶻安進吐蕃獨朶等自宋  
來歸皆賜衣帶皇太后謁哥首可汗廟丙子以舍利軍耶  
律杳爲常袞已卯駐蹕儒州龍泉庚辰遣宣徽使蒲領等  
率兵分道備宋以通輦副使絳骨爲舍利拽刺詳穩五



月辛巳祭風伯于儒州白馬村休哥引軍至滿城招降卒七百餘人遣使來獻詔隸東京辛卯獵蔡乾河壬辰燕京奏宋兵至邊時暑未敢與戰且駐易州俟彼動則進擊退則班師徙之六月庚戌朔以太師柘母迎合撾之二十辛酉詔燕樂密雲二縣荒地許民耕種免賦役十年甲戌宣政殿學士馬得臣卒詔贈太子少保賜錢十萬粟百石乙亥詔出諸畜賜邊部貧民是月休哥排亞破宋兵于秦州秋七月乙酉御含涼殿視朝丙戌以中丞耶律覲麥哥權夷離畢橫帳郎君耶律延壽爲御史大夫癸巳遣兵南征甲午以迪離畢涅刺烏歲三部各四人益東北路夫人婆

里德仍給印綬丁酉勞南征將士是日帝與皇太后謁景  
宗皇帝廟八月庚午放進士高正等二人及第冬十月禁  
置網捕兔十一月甲申于闐張文寶進內丹書十二月甲  
寅鈎魚于沈子潔癸亥獵于好草嶺

本紀第十二



本紀第十三

遼史十三

開府儀同三司在國錄軍國事書君相監修國史領經筵事兼總裁臣脫脫奉

勅修

聖宗四

八年春正月辛巳如臺湖庚寅詔決滯獄庚子如沈子潔  
二月丁未朔于闐回鶻各遣使來貢壬申女直遣使來貢  
三月丁丑李繼遷遣使來貢庚辰太白熒或聞凡十有五  
次乙酉城杏塢以宋俘實之辛丑置宜州夏四月丙午朔  
嚴州刺史李壽英有惠政民請留從之庚戌女直遣使來  
貢庚午以歲旱諸部艱食振之五月戊子以宋降卒分隸

諸軍庚寅女直宰相阿海來貢封順化王丙申清暑胡土  
白山詔括民田六月丙午以北面林牙磨魯古為北院大  
王阿薩蘭回鶻于越達刺于各遣使來貢甲寅月掩天駟  
第一星丙辰女直遣使來貢秋七月庚辰改南京熊軍為  
神軍詔東京路諸官分提轄司置分定霸保和宣化三縣  
白川州置洪理儀坤州置廣義遼西州置長慶乾州置安  
德各一縣省遂偽松饒寧海瑞玉鐵里奉德等十州及王  
田遼豐松山弘遠懷清雲龍平澤平山等八縣以其民分  
隸他郡八月乙卯以黑白羊祭天地九月乙亥北女直四  
部請內附壬辰李繼遷獻宋俘冬十月丙午以大敗宋軍

復遣使來告巳酉阻卜等遣使來貢是月駐蹕大王州十  
一月庚寅以吐谷渾民饑振之丁酉太白晝見十二月癸  
卯李繼遷下宋麟鄜等州遣使來告女直遣使來貢庚戌  
遣使封李繼遷為夏國王癸丑回鶻來貢是歲放鄭雲從  
等二人及第

九年春正月甲戌女直遣使來貢丙子詔禁私度僧尼庚  
辰如臺湖乙酉樞密使監修國史室昉等進實錄賜物有  
差戊子選宋降卒五百置為宣力軍辛卯詔免三京諸道  
租賦仍罷括田二月丙午夏國遣使告伐宋捷丁未以涿  
州刺史耶律王六為煬隱甲子建威寇振化來遠三城屯

戊卒閏月辛未朔日有食之壬申遣翰林承旨邢抱朴三  
司使李嗣給事中劉京政事舍人張幹南京副留守吳浩  
分次諸道滯獄三月庚子朔振室韋烏古諸部戊申復遣  
庫部員外郎馬守琪倉部員外郎祁正虞部員外郎崔祐  
薊北縣令崔簡等分決諸道滯獄甲子幸南京夏四月甲  
戌回鶻來貢乙亥夏國王李繼遷遣杜白來謝封冊丙戌  
清暑炭山五月己未以秦主韓匡嗣私城為全州六月丁  
亥突厥來貢是月南京霖雨傷稼秋七月癸卯通括戶口  
乙巳詔諸道舉才行察貪酷撫高年禁奢僭有歿於王事  
者官其子孫己未夏國以復綏銀二州遣使來告八月癸

酉銅州嘉禾生東京甘露降戊寅女直進喚鹿人壬午東京進三足烏九月庚子鼻骨德來貢巳酉駐蹕廟城南京地震冬十月丁卯阿薩蘭回鶻來貢壬申夏國王李繼遷遣使來上宋所授勅命丁丑定難軍節度使李繼捧來附授推忠効順啓聖定難功臣開府儀同三司檢校太師兼侍中封西平王十一月己亥以青牛白馬祭天地十二月夏國王李繼遷潛附于宋遣招討使韓德威持詔諭之是歲放進士石用中一人及第

十年春正月丁酉禁喪葬禮殺馬及截甲冑金銀器玩丙午如臺湖二月乙丑朔日有食之韓德威奏李繼遷稱故



不出至靈州俘掠以還壬申元惹來貢壬午免雲州租賦  
庚寅夏國以韓德威俘掠遣使來奏賜詔安慰辛卯給復  
雲州流民三月甲辰鐵驪來貢丙辰如炭山夏四月乙丑  
以臺湖爲望幸里庚寅命群臣較射五月癸巳朔州流民  
給復三年七月辛酉鐵驪來貢八月癸亥觀稼仍遣使分  
閱苗稼九月癸卯幸五臺山今河寺飯僧冬十月壬申夏  
國王遣使來貢戊寅鐵驪來貢十一月壬辰回鶻來貢十  
二月庚辰獵儒州東川拜天是月以東京留守蕭恒德等  
伐高麗

十一年春三月壬寅回鶻來貢丙午出內帑錢賜南京統

軍司軍高麗王治遣朴良柔奉表請罪詔取女直鴨綠江東數百里地賜之二月癸亥霸州民妻王氏以妖或衆伏誅夏四月辛未山清暑六月大雨秋七月己丑桑乾羊河溢居庸關西害禾稼殆盡奉聖南京居民廬舍多墊溺者八月如秋山冬十月甲申朔駐蹕蒲瑰坂是時放進士王熙載等二人及第

十二年春正月癸丑朔遼陰鎮水漂溺三十餘村詔數舊渠甲寅以同政事門下平章事耶律碩老爲惕隱詔復行在五里內租乙卯辛延芳淀戊午蠲宜州賦調庚申郎君耶律鼻舍等謀叛伏誅壬戌以南院大王耶律景爲上

京留守封漆水郡王霸州民李在宥年百三十有三賜束帛錦袍銀帶月給羊酒仍復其家二月甲申免南京被水戶租賦己丑高麗來貢甲午免諸部歲輸羊及關征庚子回鶻來貢三月丁巳高麗遣使請所俘人畜詔贖還戊午辛南京丙寅遣使撫諭高麗己巳涿州水連理壬申如長春宮觀牡丹是月復置南京統軍都監夏四月辛卯幸南京壬辰樞密直學士劉恕爲南院樞密副使戊戌以景宗石像成幸延壽寺飯僧五月甲寅詔北皮室軍老不任事者免役戊午如炭山清暑庚辰武定軍節度使韓德冲秩滿其民請留從之六月辛巳朔詔州縣長吏有才能無過

者減一資考任之癸未可汗州刺史賈俊進新曆庚子

囚甲辰詔龍鳳兩軍老疾者代之是月太白歲星相犯秋

七月辛亥朔日有食之甲寅遣使視諸道禾稼辛酉南院

樞密使室昉爲中京留守加尚父丙寅女直遣使來貢戊

辰觀穫庚午詔契丹人犯十惡者依漢律已卯以翰林承

旨邢抱朴叅知政事八月庚辰朔詔皇太妃領西北路烏

古等部兵及永興宮分軍撫定西邊以蕭撻懶督其軍事

乙酉宋遣使求和不許戊子以國舅帳剋蕭徒骨爲夷離

畢乙未下詔戒諭中外官吏丁酉錄囚雜犯死罪以下釋

之九月壬子室韋党項吐谷渾等來貢辛酉宋復遣使求

和不許壬戌行拜奧禮癸酉阻卜等來貢冬十月乙酉獵  
可汗州之西山乙巳詔定均稅法丁未大理寺置少卿及  
正十一月戊申朔行再生禮鐵驪來貢詔諸部所俘宋人  
有官吏儒生抱器能者諸道軍有勇健者具以名聞庚戌  
詔郡邑貢明經茂材異等甲寅詔南京決滯獄己未官宋  
俘衛德升等六人十二月戊寅朔日有食之詔并奚王府  
奧理墮隗梅只三部爲一其二剋各分爲部以足六部之  
數甲申賜南京統軍司貧戶耕牛戊子高麗進妓樂却之  
庚寅禁游食民癸巳女直以宋人俘海賂本國及兀惹叛  
來告丁未辛南京是年放進士呂德懋等二人及第

十三年春正月壬子華延芳浞甲寅置廣靈縣丁巳增秦  
州遂城等縣賦庚申詔諸道勸農癸亥長寧軍節度使蕭  
解里秩滿民請留從之庚午如長春宮二月丁丑女直遣  
使來貢甲辰高麗遣李周楨來貢三月癸丑夏國遣使來  
貢戊辰武清縣百餘人入宋境剽掠命誅之還其所獲人  
畜財物夏四月己卯叅知政事邢抱朴以母憂去官起復  
丙戌詔諸道民戶應曆以來脅從爲部曲者仍籍州縣甲  
午如炭山清暑五月壬子高麗進鷹乙亥北南乙室三府  
請括富民馬以備軍需不許給以官馬六月丙子朝啓聖  
軍節度使劉繼琛秩滿民請流從之丁丑詔減前歲括田

租賦甲申以宣徽使阿没里私城爲豐州丙戌詔許昌平  
懷柔等縣諸人請蕪荒地秋七月乙巳朔女直遣使來貢  
丁巳兀惹烏昭度渤海燕頗等侵鐵驪遣奚王和朔奴等  
討之壬戌詔蔚朔等州龍衛威勝軍更戌八月丙子夏國  
遣使進馬壬辰詔修山澤祠宇先哲廟貌以時祀之九月  
戊午以南京太學生貪侵多特賜水碓莊一區丁卯奉安  
景宗及皇太后石像于延芳淀冬十月乙亥置義倉辛巳  
回鶻來貢甲申高麗遣李知白來貢戊子兀惹歸欵詔諭  
之庚子鼻骨德來貢十一月乙巳阿薩蘭回骨遣使來貢  
辛酉遣使冊王治爲高麗國王戊辰高麗遣童子十人來

學本國語十二月己卯鐵驪遣使來貢鷹馬辛巳夏國以  
敗宋人遣使來告是年放進士王用極等二人

十四年春正月己酉漁于路河丁巳蠲三京及諸州稅賦

丙寅夏國遣使來貢庚午以宣徽使阿没里家奴閭貴爲

豐州刺史二月庚寅回鶻遣使來貢三月壬寅高麗王治

表乞爲婚許以東京留守駙馬蕭恒德女家之庚戌高麗

復遣童子十人來學本國語甲寅韓德威奏討党項捷甲

子詔安集朔州流民夏四月甲戌東邊諸紮各置都監庚

寅如炭山清暑己亥鑿大安山取劉守光所藏錢是月奚

王和朔奴東京留守蕭恒德等五人以討兀惹不克削官



改諸部令穩爲節度使五月癸卯詔叅知政事邢抱朴決  
南京滯獄庚戌朔州威勝軍一百七人叛入宋六月辛未  
如炭山清暑鐵驪來貢乙酉回鶻來貢己丑高麗遣使來  
問起居後至無時秋七月戊午回鶻等來貢閏月丁丑五  
院部進亢地所得金馬冬十月丙辰命劉遂教南京神武  
軍士劔法賜袍帶錦幣戊午烏昭度乞內附十一月甲戌  
詔諸軍官毋非時畋獵放農乙酉奉安景宗及太后石像  
于乾州是月回鶻阿薩蘭遣使爲子求婚不許十二月甲  
寅以南京道新定稅法太重減之甲子捷凜誘叛酋阿魯  
敦等六十人斬之封蘭陵郡王辛南京是年放進士張儉

等三人

十五年春正月庚午幸延芳淀丙子以河西党項叛詔韓  
德威討之庚辰詔諸道勸民種樹癸未元惹長武周來降  
戊子女直遣使來貢己丑詔南京決滯囚乙未免流民稅  
二月丙申朔如長春宮戊戌勸品部富民出錢以贍貧民  
庚子徙梁門遂城泰州北平民於內地丙午夏國遣使來  
貢甲寅問安皇太后丙辰韓德威奏破党項捷丁巳詔品  
部曠地令民耕種三月乙丑朔党項來貢戊辰募民耕灤  
州荒地免其租賦十年己巳夏國破宋兵遣使來告己卯  
封夏國王李繼遷爲西平王壬午通括官分人戶免南京

通稅及義倉粟甲申河西党項乞內附庚寅元惹烏昭度以地遠乞歲時免進鷹馬貂皮詔以生辰正旦貢如舊餘免癸巳宋主吳殂子恒嗣位甲午皇太妃獻西邊捷夏四月乙未朔罷奚五部歲貢鷹戎戌錄囚壬寅發義倉粟振南京諸縣民丙午廣德軍節度使韓德凝有善政秩滿其民請留從之己酉幸南京丁巳致奠于太宗皇帝廟己未如炭山清暑五月甲子朔日有食之己巳詔平州決滯獄是月敵烈八部殺詳穩以叛蕭撻渾追擊獲部族之半六月丙申鐵驪來貢壬子夏國遣使來謝封冊秋七月戊辰党項來貢辛未禁吐谷渾別部鬻馬於宋丙子高麗遣韓

彥敬奉幣弔越國公主之喪辛卯詔南京疾決獄訟月  
丁酉獵于平地松林皇太后誡曰前聖有言欲不可縱吾  
兒爲天下主馳騁田獵萬一有銜橛之變適遺子憂其深  
戒之九月丙寅罷東邊戍卒庚午幸饒州致奠太祖廟戊  
子蕭捷凜奏討阻卜捷冬十月壬辰朔駐蹕馳山罷奚王  
諸部貢物乙未賜宿衛時服丁酉禁諸山寺毋濫度僧尼  
戊戌弛東京道魚鰲之禁戊申以上京獄訟繁冗詰其主  
者辛酉錄囚十一月壬戌朔錄囚丙戌幸顯州戊子謁顯  
陵庚寅謁乾陵是月高麗王治薨姪誦遣王同穎來告十  
二月乙巳釣魚土河巳酉駐蹕馳山壬子夏國遣使來貢

通鑑卷一百一十三  
甲寅遣使祭高麗王治詔其姪權知國事丙辰錄囚是年  
放進士陳鼎等二人

本紀第十三